

摘藻堂四庫全書薈要

史部

欽定四庫全書薈要卷七千四百十五 史部

御定資治通鑑綱目三編卷三

起丁卯明太祖洪武二十年盡  
戊寅明太祖洪武三十一年 凡十二年

丁卯二十年春正月以馮勝為征虜大將軍率師征納克  
楚

金山在今開原  
縣西北慶州在  
今巴林西北東  
西相距約二千  
里納克楚方據  
金山以規取遼

元太尉納克楚擁衆數十萬屯金山數侵遼東帝以  
勝為大將軍傅友德監玉為副帥師二十萬征之諭  
曰彼情詭詐爾等且駐師通州遣人覘其出沒元兵  
若在慶州宜以輕騎掩其不備若克慶州全師徑搗  
金山納克楚不意吾師之至必成擒矣復遣前所獲  
元將魯喇固北還以書諭納克楚等軍次通州聞元

東豈復能出兵  
西略明兵即欲  
掘其巢穴自當  
從東道進師乃  
反向慶州傾向  
敵踪何異燕棘  
適越且元之諸  
部久已離析瓜  
分納克楚斷不  
能仍兼有其故  
地意當時或有  
別部留屯慶州  
而諸將未悉塞  
外輿程運如臆  
度遂安岳慶州  
為納克楚出沒

兵有屯慶州者藍王乘大雪帥輕騎襲破之斬平章  
郭勒禽其子布喇奇勝出松亭關分築大寧寬河會  
州富峪四城質寶金山在今開原縣西北慶州在今  
駐兵大寧巴林西北東西相距約二千里方  
輿紀要自喜峯口而北一百二十里有故松亭關遼  
金時戍守處也其相近者曰寬河城自是而東北曰  
會州城由會州城東曰富峪城又東北為大寧新城  
俱洪武時築○布喇奇舊作不  
蘭奚今並改

### 焚錦衣衛刑具

時天下重罪逮至京者多絛繫錦衣衛斷治適有富  
民繫衛獄用事者非法凌虐帝聞之怒曰訊鞫法司  
事也或令錦衣衛審之欲先得其情耳豈令其鍛鍊  
耶執用事者治之悉焚其刑具以因送刑部二十六

之所至則祖既  
令自通州遣人  
覘視後使從慶  
州徑搃金山道  
里迂迴機宜亦  
多不合總緣明  
人於塞外地理  
全屬茫然但據  
傳聞彷彿以為  
措置不自知其  
舛謬可笑如此  
月  
焚錦衣刑具雖  
亦一時善政且  
復申明其禁似  
並能慮及方來

年復申明其禁詔內外獄毋得  
上錦衣衛大小咸經三法司

### 夏六月馮勝至金山納克楚降

勝自大寧帥師趨金山遣使送兀剌固還至松花河  
納克楚見之大驚相勞問兀剌固述帝恩德納克楚  
心動遣其左丞劉特默齊等來獻馬勝受之而引兵  
徑踰金山降全國公和通進壓納克楚營而軍初納  
克楚分兵為三營一曰榆林深處一曰養鵞莊一曰  
龍安伊圖河畜牧蕃盛及是為大軍所逼又已先入  
兀剌固言意猶豫不決因遣使陽為請降以覘兵勢  
勝遣藍玉往受之納克楚所遣使亦還報極言大將  
軍兵盛納克楚乃仰天歎曰天弗使吾有此眾矣遂  
率數百騎詣玉玉大喜飲以酒納克楚酌酒酬玉玉  
解衣衣之納克楚不肯服玉亦不飲爭讓久之納克  
楚取酒澆地顧其下咄咄語鄭國公常茂在坐其麾



然其末季奸瑤藉以肆虐視前加厲流毒無窮不能悉除其陷州一舉而廓清之僅知過其山燭如撲火不滅後將益熾作法于涼明祖不能諉其咎矣

下趙指揮解蒙古語密告茂納克楚將遁矣茂直前搏之納克楚驚起欲就馬茂拔刀斫傷其臂不得騎都督耿忠擁以見勝勝重禮之使忠與同寢食納克楚將士妻子十餘萬衆在松花河北聞納克楚傷驚潰有欲來追者勝遣和通諭降之先後凡二十餘萬王九國公郡王四太尉國公五行省丞相一司徒平章十三右丞左丞三十一凡官屬將校三千三百餘人所獲輜重馬畜亘百餘里還次金山伊瑪河復收其殘卒三萬初帝聞捷即馳諭勝留兵五萬於大寧防後患散處降衆滿陽崖頭間與遼東兵參住耕牧而勝以常茂驚潰敵衆懼不測乃盡俘其衆內徙大寧兵亦悉拔歸都督濮英以三千兵殿後時納克楚潰卒散匿者尚數萬聞之設伏於途謀竄取大軍過不敢發英後至猝為所乘馬踏被執英絕食不言乘間引佩刀刺腹死三千人殲焉勝之趨金山也臨江侯陳鏞失道戰歿事聞詔追封英金山侯謚忠襄以

之挫辱由其中  
情匪怯且與常  
茂不和欲以重  
其罪耳即當申  
軍律以誅之勝  
實無所辭咎何  
轉俟異日柏塲  
蜚語耶

米帛給舖家納克楚至京帝召見慰勞  
甚至封海西侯爵刺固授千戶賜金帛  
江一名混同江在吉林烏拉城東南源出長白山北  
流會嫩江黑龍等江入海即古粟末水也龍安即金  
隆安府元開元路明三萬衛今開原縣伊圖河在龍  
安城東下流入松花江瀋陽遼金瀋州元瀋陽路明  
瀋陽衛今盛京陳鏞濠人陳德子○劉特默齊舊  
作劉探馬赤和通舊作觀童伊圖河舊作一禿河伊  
瑪河舊作亦迷河今並改

### 秋七月太白三辰晝見

### 八月召馮勝還以副將軍藍玉領其軍

勝奏常茂教變狀械至闕茂勝之壻也勝每於衆中  
卑折之茂不遜勝怒及納克楚衆潰勝歸罪於茂會

有言勝多匪良馬使閭者行酒於納克楚妻求大珠  
異寶王子死二日強娶其女失降附心而茂亦訐勝  
過帝怒收勝大將軍印召還以藍玉攝之尋  
命勝就第鳳陽奉朝請而安置茂於龍州  
宋置元為萬戶府明仍為州土官趙氏世  
襲今改下龍上龍二司屬廣西太平府

### 九月置大寧都指揮使司

司治大寧又置大寧中左右及會州  
質實  
會州城在  
等衛皆隸焉明年改為北平行都司  
大寧衛西

南二百  
四十里

### 詔商稅毋定額

戶部言天下稅課視舊有虧宜以洪武十八年所收  
為定額帝曰商稅多寡歲有不同限以定額豈不病

民不從

# 以藍玉為大將軍帥師北伐

帝以故元特古斯特穆爾尚在終為邊患乃即軍中拜玉為大將軍延安侯唐勝宗武定侯郭英副之都督取忠孫恪為左右參將率師十五萬往征之是冬元將托克托降於玉質實孫恪興祖明初設無品級無定員多以勲戚充之其後秩在副總兵下遊擊次之○托克托舊作脫脫今改

# 冬十一月命湯和築瀕海城備倭

先是帝以倭患命和巡視浙江福建沿海諸城又命江夏侯周德興於福建濱海福州漳泉興化四郡築城練兵以備之德興相視形勢築城十有六民戶三丁取一以充戍卒至是和已請老會倭寇上海帝召和

謂曰卿雖老強為朕一行和請與方鳴謙俱鳴謙國  
珍從子也習海事帝訪以禦倭策鳴謙曰倭海上來  
則海上禦之耳請量地遠近置衛所陸聚步兵水具  
戰艦砦壘錯置其間則倭不得入亦不得傳岸其  
兵則籍近海民四丁取一以充無煩客兵也帝以為  
然命和董其事和乃度地浙東西置衛所並海築城  
五十有九選丁壯三萬五千人盡發州縣錢及籍罪  
人賞給役役夫往往過望而民不能無擾浙人頗苦  
之或謂和曰民譴矣奈何和曰成遠算者不恤近怨  
任大事者不顧細謹國無備及於戈鋌井里將墟餘  
何有焉復有嚙者齒吾劍踰年而城成選丁壯五萬  
八千餘人戍之海防大飭其後嘉靖間東南苦倭患  
和所築城堅緻久而不圯民多賴以  
質實

上海宋鎮  
元縣明屬

松江府  
今因之

十二月振濟南東昌東平登萊饑

振濟南三府饑民凡六萬三千八百餘戶又  
遣刑部尚書唐鐸運鈔百餘萬錠振登萊饑

質實

登州

唐置明初屬萊州府

九年升府今因之

戊辰二十一年春正月詔治有司匿災者罪

青州饑有司匿不以聞詔逮治之且著為令於是遣  
人馳驛往振戶凡二十一萬四千六百鈔五百三十

六萬錠

有奇

三月沐英討思倫發破走之

先是思倫發誘羣蠻寇馬龍他郎甸之摩沙勒寨沐  
英遣都督同知甯正擊破之至是思倫發悉舉其衆

蠻人驅象列戰  
特藉以為恐嚇  
庸衆之資使懦  
皆懼而却避鮮  
有不受其蹂躪  
者沐英却署將  
士奮勵直前大  
呼而進以礮弩  
先聲足以懾之  
衆反走而賊且  
余其所恃拉刀  
馳突賊衆披靡

寇定邊號三十萬英選騎三萬馳救以輕騎三百挑  
之百夷以萬人驅三十餘象酋長跨巨象直前指揮  
張因率騎卒五十餘人為前鋒注矢中象左膝及脅  
象仆射殺酋長大呼突陳衆遂却英曰賊無能為也  
乃置火礮勁弩為三行蠻驅百象被甲翼以標槍銳  
甚英分軍為三都督馮誠居前同知甯正左湯昭右  
英與將士約有功者賞退却者斬因乘風縱火礮弩  
並發衆皆反走賊有昔刺者殊死闕左軍少却英登  
高望之取佩刀命左右斬帥首來左帥見一人握刀  
馳下恐奮呼突陳大軍乘之無不一當百蠻大敗斬  
賊四萬餘生獲象三十七賊帥各被百餘矢伏象  
背死思倫發遁去明年遣使入貢麓川平緬遂平  
實馬龍他郎甸今雲南元江州新平縣西北有故新  
化州舊為馬龍他郎二甸地明升為州今裁厚沙  
勒寨在故新化州東南其地羣山夾江險隘如峽  
定邊明縣屬楚雄府今併入蒙化廳置巡司於此

遂以克捷可見  
臨敵決機將勇  
者勝乃一定之  
理即昆陽之虎  
豹股栗亦由光  
武威氣馭凌不  
盡借助風雷也

夏四月藍玉襲破元特古斯特穆爾于捕魚兒海獲其

### 子迪保努

玉以大軍出大寧至慶州聞特古斯特穆爾在捕魚  
兒海間道馳進次紐琿南道無水軍士渴甚路傍小  
山忽湧四泉士馬得不困乏至百眼井去捕魚兒海  
四十餘里不見敵玉欲還定遠侯王弼曰吾等提十  
萬衆深入至此無所得何以復命玉曰然令軍士穴  
地而鑿毋見烟火乘夜馳至捕魚兒海黎明東北去  
敵營八十餘里時大風揚沙晝晦軍行無知者敵不  
設備弼為前鋒大破之斬太尉曼濟等降其衆特古  
斯特穆爾以其太子添保努等數十騎遁獲其次子  
迪保努及妃主以下百餘人追獲吳王代王等官屬  
三千男女七萬七千餘人並寶璽符勅金牌金銀印  
諸物馬駝牛羊十五萬車三千奏捷京師帝大悅遣



使齋勅勞王比之衛青李靖王又破哈喇章營獲人馬六萬師還進涼國公迪保努及妃主至京帝命有司給第宅廩餼既有言王私元主妃事帝怒王無禮切責王妃聞而自縊迪保努由是有怨言帝聞之曰朕嘗與儒臣議欲封之以盡待亡國之禮迪保努乃若是豈可使復居內地于是遣使送往琉球仍厚賞遣之時元四大王久匿山中其下逃散畧盡四大王窮蹙詣晉王府降帝命從之雲南是年納克楚亦卒以其子察罕為瀋陽侯後坐藍王黨死

**質實**

捕魚兒海在慶州西北今克什克騰西北周數十里

紐琿南道及小山泉方輿紀要云在慶州西境○迪保努舊作地保努紐琿南道舊作游魂南道曼濟舊

作蠻子

今並改

高麗李成桂因其王禍而立禍之子昌

禍欲寇遼東使其軍都相崔瑩李成桂繕兵成桂遣  
千戶陳景屯艾州以糧不繼而退禍怒殺成桂之子  
成桂還兵攻之逼禍遜位於其子昌陳景來降成桂  
又以禍本辛脫子禍之子亦不可為王氏後明年乃  
廢昌別求王氏疎屬質質艾州一統志作愛州隸黃  
海道在朝鮮國城西面

五月甲戌朔日有食之

六月信國公湯和歸鳳陽

帝春秋寔高不欲諸將久典兵未有以發也和以間  
從容乞骸骨帝大悅賜鈔治第鳳陽並為諸公侯治  
第至是第成和築城海上還率  
妻子陞辭帝褒諭之賜賚甚厚

秋七月以解縉為監察御史

縉舉是年進士授中書庶吉士甚見愛重一日帝在大庖西室諭縉曰朕與爾義則君臣恩猶父子當知無不言縉即日上封事萬言畧曰臣聞令數改則民疑刑太繁則民玩國初至今將三十載無幾時不變之法無一日無過之人臣聞陛下鋤根剪蔓誅其奸逆矣未聞褒一大善賞延于世始終勿替者也或朝賞而暮戮或忽罪而忽赦陛下每多自悔之時輒有無及之歎此由存養之功少加密耳若夫祀天宜復掃地之規尊祖宜備七廟之制奉天不宜為筵宴之所文淵猶未備館閣之隆太常非俗樂可肄官妓非人道所為禁絕倡優易置寺閹執戟墀陞皆用俊良勿與土木之工勿貪四裔之地減細縣省冗官痛懲法外威刑永革京城工役婦女非帷薄不修毋令逮繫大臣有過惡當誅不宜加辱近歲臺綱不肅以刑名輕重為能事以問囚多寡為勲勞御史糾彈皆承密旨每聞上有赦宥則必過為執持意謂如此則上恩

古稱井田善政  
行於周之後是  
求治行於治之  
時是求亂其說

愈重此皆小人趨媚効勞之細術陛下何不肝膽而  
鏡照之哉陛下進人不擇賢否授職不量輕重椎埋  
器悍之夫闢茸下愚之輩朝捐刀鎗暮擁冠裳左棄  
筐篋右綰組符雖曰立賢無方亦盡忱詢有德古者  
善惡鄉鄰必記今互知之法雖嚴而訓告之方未備  
臣欲求古人治家睦鄰之法若古藍田呂氏鄉約今  
義門鄭氏家範布之天下世臣大族率先以勸將見  
作新於變至於比屋可封不難矣臣聞地有盛衰物  
有盈虛而商稅之徵率皆定額既稅於所產之地又  
稅於所過之津何奪民之利如此密也且多貧下之  
家逃亡轉徙無前日之生植有前日之稅糧或膏腴  
而稅反輕瘠鹵而稅反重此里胥之弊也欲拯因而  
革弊莫若行授田均田之法兼常平義倉之舉積之  
以漸至有九年之食無難者夫連坐起於秦法孥戮  
本於偽書今為善者妻子未必蒙榮有過者里胥已  
陷其罪况律以人倫為重而有給配婦女之條聽之

誠不可易蓋自  
汗陌既開貧富  
本難一致若屬  
在承平久安其  
業而必為均田  
限田之策紛紛  
予奪重擾閭閻  
其所害於民生  
者甚大或當兵  
燹之餘汙萊遍  
野版籍蕩然因  
而徵田定制計  
口授產一經制  
而示維新庶乎  
無弊然亦須審  
其時勢而然策

於不義則又何取夫節義哉同寅協恭相倡以禮今  
內外百司捶楚屬官甚於奴隸是使柔懦之徒蕩無  
廉恥甚非所以勵風節也臣但知聲竭愚衷急於陳  
獻所奏畧無次序惟陛下垂鑒書奏帝稱其才縉嘗  
入兵部堂索皂隸語嫚尚書沈潛以聞帝曰縉以冗  
散自恣耶遂命為御史既而縉復代郎中王國用草  
疏為李善長申雪又嘗為同官夏長文草疏劾都御  
史袁泰於是大臣皆惡之會有詔近臣父皆得入覲  
縉父開至帝召謂曰大器晚成若以而子質實  
歸益令進學後十年來用未晚也遂罷歸  
紳吉水人沈潛  
字尚賢錢塘人

發明

縉年二十成進士負才穎敏受特達之眷縱  
言無諱自以為賈鼂不過也數上封事言分

封勢重萬一不幸必有厲長吳濤之虞深中時弊  
然敷陳繁博或不盡切於事理即如授田均田之

之非可冒昧從事也如解縉均田之請未嘗非因明承亂後起見不知明正國已將二紀民間耕田納賦大局粗定豈可復事紛更況當時雖惟戰爭亦未必比戶沆離皆致失其恒產若徒向富厚者強取以與人是不受均田之益而怨皆先起矣天下

法實泥古而不可行且疎放自恣露才揚己其後不能殉建文之難卒被高煦之譏僵死紀綱之手惜哉

### 九月勅天下衛所屯田

更定屯田法凡衛係衝要都會及王府護衛以十五屯田係衛所以五之四歲得糧五百餘萬石越州蠻叛命沐英傅友德討之

越州土酋阿資故知州龍海子也沐英南征時駐兵其地諭降龍海奏以為知州未幾即叛英以計擒之徙遼東阿資襲父職益桀驁至是反帝命英友德會兵討之友德道過平彝以其山險峻留兵千人守之進擊阿資於普安大破之蠻衆攀崖緣壁墜死者不可勝數阿資遁還越州阿資之叛也揚言曰我地有

甫平民氣未定  
不思德循字輯  
而又重拂其心  
又將何以維持  
邦本乎縉不容  
時宜空談經濟  
仍不免書生迂  
濶之見耳

定服飾以辨等  
威固為正論然  
不過審慎無微  
所繫猶小而富  
日衆建諸王封  
地太廣實非強

以卓敬為戶科給事中

萬山之險豈能盡滅英乃請置越州馬龍三衛扼其  
險要又分兵勦捕阿資窮蹙遂請降僉都御史黃政  
從征雲南還次普安遇質寶越州本苦麻蠻部元時  
寇與其子琬力戰死之內屬置越州明改衛今  
裁故城在曲靖府南寧縣平彛明衛今改縣屬曲靖  
府馬龍元州明屬曲靖府今因之按苦麻元史地理  
志作普麼今依明史曲  
靖土司傅黃政碭山人

敬鯁直無所避時制度未備諸王服乘擬太子敬乘  
間言京師天下視效陛下於諸王不早辨等威而使  
服飾與太子埒嫡庶相亂尊卑無序何以令天下帝  
笑曰爾言是朕慮未及此益器重之他日敬與同官  
進見過八十一人帝命改官為元士尋以六質寶卓  
科為政事本源又改曰源士已復稱給事中質寶敬

莽弱又之道遂  
貽後世燕藩墓  
逆禍基卓敬既  
有所見何不舉  
其大者則以力  
陳而撫末務以  
為建白可謂昧  
於輕重或以明  
祖未從其言為  
惜即採而行之  
亦安能引患於  
未形乎

字惟恭  
瑞安人

冬十月元伊遜岱爾弑其主持古斯特穆爾

特古斯特穆爾既遁將依丞相耀珠于和林行至圖  
拉河為其下伊遜岱爾所襲衆遂散獨與知院訥克  
林等十六騎俱耀珠來迎欲共往依庫庫特穆爾會  
大雪不得發伊遜岱爾兵猝至以弓絃繼殺之並殺  
其太子添保努訥克林等遂來降自是五傳至坤特  
穆爾皆被弑不復紀年有郭勒齊者募立稱汗去國  
號遂稱質寶耀珠舊作咬住訥克林舊作捏怯來庫  
諧達云庫特穆爾舊作濶濶帖木兒別一人非  
王保保也  
今並改

十二月安南黎季犛廢其王煒尋弑之



陳叔明立三歲傳其弟端端死弟煒代立其相黎季犛竊柄廢煒弑之立叔明子日晃主國事

己巳二十二年春正月改太宗正院為宗人府

府設令一人左右宗正宗人各一人以秦王楨為宗人令晉王柷為左宗正燕王棣為右宗正周王橚為左宗人楚王楨為右宗人其後實寧大宗正院洪武初設以勲戚大臣攝府事不備官

二月禁武臣預民事

時廣西都指揮耿良造樵樵發民丁青州等衛造軍器科民財於是詔申明其禁凡有造作達五軍都督府奏准方行

湖廣千戶夏得忠作亂靖寧侯葉昇討之得忠伏誅

安福千戶夏得忠誘九溪洞蠻為寇昇同胡海等討之駐兵賊境昇獨潛兵出賊後掩擊禽得忠送京師斬之置九溪永定二衛  
改大庸衛為千戶所  
質實  
安福千戶所在澧州慈屬澧州九溪即九渡溪慈利縣西三十里有九渡山上有仙樓下有九渡水水經注九渡水南出九渡山山下有溪又以九渡為名九溪故衛在今安福縣北永定衛在慈利縣西南今改永定縣屬澧州大庸所  
在永定西南  
葉昇合肥人

### 夏四月賜江西山東湖廣貧民鈔

帝諭戶部九江黃州漢陽武昌岳州諸郡多貧民其遣人運鈔往振之又賜山東流民居京師者鈔振萊州兗州饑又振常德長沙辰州靖州衡州永州寶慶郴州德安沔陽安陸襄陽貧民凡鈔二百六十四萬

餘錠戶部請造小鈔自一十文至五十文以便民用從之遣御史按山東官區災者御史許珪巡按河南言自開封永城至彰德旱請減夏稅左都御史詹薇以其希旨要譽請罪之帝曰御史能卹民隱達下情何罪耶即命質實漢陽唐郡元明府兗州隋置明府振貸蠲其稅長沙秦郡明府衡州梁置明府德安劉宋郡宋元明府今皆因之安陸元府明降州嘉靖中升永天府今仍安陸府永城縣隋置明屬歸德府今因之詹薇字資善同之子

### 五月置泰寧朶顏福餘三衛

三衛地本烏梁海所居在黑龍江南元大寧路北地元遼王阿爾察錫喇及惠寧王朶顏元帥內附帝即其地置三衛曰泰寧以阿爾察錫喇為指揮使塔本特穆爾為指揮同知曰朶顏以托羅海徹爾為指揮

同知曰福餘以哈克三納達齊為指揮同知各領所部以安畜牧獨朶顏地險而強初三衛分地延袤共千餘里在潢水北及後漸徙潢南自全寧抵喜峯口近宣府皆屬朶顏自錦義歷廣寧至遼河皆屬泰寧自黃泥窪東逾瀋陽鐵嶺至開原皆屬福餘東西亘三千里

質實

三衛按今土默特阿噶科爾沁等部為泰寧衛

故地喀爾沁教漢奈曼翁牛特巴林等部及熱河五廳為朶顏衛故地科爾沁郭爾羅斯杜爾伯特札賚特等部為福餘衛故地黑龍江上源曰鄂諾河自西北流六千餘里經薩哈連烏拉城東南與混同江合方輿紀要云饒樂水或謂之烏龍江大寧在烏龍江南漁陽塞北即饒樂水矣潢水在臨潢城南一曰黃巖水即西喇穆楞河也源出古北口北五百餘里蒙古克什克騰界內之伯爾克和爾郭克東流經口外諸蒙古駐牧地又東南至開原縣西北會赫爾蘇河入邊為遼河喜峯口在遵化州東北七十里義州金置明義州衛今義州屬錦

州府廣寧金府元路明廣寧衛今廣寧縣屬錦州府遼河在奉天府西一百里廣寧縣東北二百三十里有東西二源自邊外合流而南經開原鐵嶺二縣西又南經承德遼陽海城之西又南入海黃泥窪方輿紀要云廣寧衛東南七十里為三岔兒堡近堡有黃泥窪鐵嶺衛故城在今鐵嶺縣東南五百里洪武二十六年徙置今縣地開原元開元路明改開原置三萬衛今開原縣○烏梁海舊作兀良哈阿爾察錫喇舊作阿札失里塔本特穆爾舊作塔賓帖木兒托羅海徹爾舊作脫魯忽察兒哈克三納達齊舊作海撒男答奚今並改

秋九月丙寅朔日有食之

十一月擢海州同知陳龔福為太僕寺少卿

陳龔福故元御史大夫福壽之子也坐事當戍邊帝念其父死節特宥而擢之

冬十二月遷周王橚於雲南尋止之

橚擅棄其國來居鳳陽帝怒命遷之雲南尋止勿徙使居京師二十五年復勅歸藩

庚午二十三年春正月命晉王櫟燕王棣帥師北伐

命傅友德等以北平兵從燕王王弼等以山西兵從晉王征耀珠及魯爾布哈

二月河決歸德

決歸德東南鳳池口徑夏邑永城諸縣發興武等十衛士卒與歸德屬縣民併力築之一月成及秋又決開封西華諸縣災遣使質寶歸德黃河自開封府儀封縣流入境東經睢州

振萬五千七百餘戶

質寶

封縣流入境東經睢州

考城商邱虞城夏邑縣北又東入江南碭山縣界歸德唐軍金府明降州嘉靖中復為府夏邑縣本下邑

明改夏邑屬歸德府今皆因之

三月燕王棣至伊都元太尉爾布哈等降

棣出古北口偵知爾布哈營伊都冒大雪馳進去敵一磧先遣指揮和通往和通故善爾布哈至則相持泣頃之大軍壓其營爾布哈等驚欲遁和通止之引見棣賜酒食慰諭遣還爾布哈喜過望遂偕耀珠等來降二十五年命元降軍質實伊都方興紀要云明赴北平聽燕王調用棣兵自此益強初王師擒爾布哈於興和西北則伊都當在興和城西北○伊都舊作迤都今改

夏四月潭王梓自焚死

梓聰敏好學嘗會府僚設醴賦詩品其高下而賚予之妃於氏都督顯女也顯與子琥坐胡惟庸黨誅梓

不自安帝遣使召之大懼  
與其妃自焚死無子國除

### 閏四月詔百官期服毋奔喪

初百官聞祖父母伯叔兄弟喪俱奔赴吏部言一人  
或連遭五六期服或道路數千則居官日少更易繁  
數曠官廢事請自今期  
年服不許奔喪從之

### 五月以楊靖為刑部尚書

時詔在京官三年皆遷調著為令靖以戶部尚書改  
刑部帝諭曰愚民犯法如啗飲食嗜之不知止設法  
防之犯益衆惟推恕行仁或能感化靖承旨治獄明  
察而不事深文在部多所平反嘗鞠一武弁門卒檢  
其身得大珠僚屬驚異靖徐曰偽也安有珠大如此  
者立碎之帝聞歎曰靖此舉有四善焉不獻朕以求



容悅一也不究其所投獻息大獄二也不獎門卒杜  
小人僥倖三也千金之珠碎然至前斥以為偽而碎  
之有過人之智質實楊靖山  
應變之才四也陽人

賜韓國公李善長死

先是善長弟存義免死安置崇明善長不謝帝銜之  
至是善長年七十七耄不檢下嘗欲營第從信國公  
湯和假衛卒三百人和以聞四月京民坐罪應徙邊  
者善長數請免其私親丁斌等帝怒按斌斌故給事  
胡惟庸家因言存義等往時交通惟庸狀命逮存義  
父子鞠之詞連善長或告善長云將軍藍玉至捕魚  
兒海獲惟庸通沙漠使者封績善長匿不以聞於是  
御史交章劾善長而善長奴盧仲謙等復告善長與  
惟庸通賂遺交私語吉安侯陸仲亨家奴彭特穆爾  
等亦告仲亨及延安平涼南雄侯等皆與惟庸結黨  
知善長股肱臣也知胡惟庸反詠隱而不舉即非甘心附和亦與躬陷反逆同科明祖既以按治得實當明具獄詞以彰顯戮庶法紀昭而人知警乃當御史

連重訪奏並未  
明正典刑時周  
事陳頤因占駁  
賜死以應生變  
使一時罪狀不  
者無識者轉得  
藉口至陸仲亨  
費聚寶與逆謀  
當時亦釋而不  
問稽誅十載始  
正刑重而薄錄  
多人悉坐奸黨  
又豈能無株連  
太過之失乎

獄具坐以大逆會星變言者謂其占當移大臣遂賜  
善長死并殺其家屬七十餘人子祺尚臨安公主免  
死徙江浦祺子芳茂以公主恩得不坐吉安侯陸仲  
亨延安侯唐勝宗平涼侯費聚南雄侯趙庸河南侯  
陸聚宜春侯黃彬豫章侯胡美榮陽侯鄭遇春等皆  
同時坐惟庸黨死帝條列其罪作姦黨錄布告天下  
明年虞部郎中王國用上言善長與陸下同心出萬  
死以取天下勲臣第一生封公死封王男尚公主親  
戚拜官人臣之分極矣藉令欲自圖不軌尚未可知  
謂其欲佐胡惟庸使善長佐惟庸事成不過勲臣第  
一而已寧復有加於今日且善長豈不知天下之不  
可倖取當元之季欲為此者何限莫不身為齏粉覆  
宗絕祀善長胡乃以衰倦之年身蹈之也凡為此者  
必有深離意變大不得已或至相扶以求脫禍今善  
長子祺托陸下骨肉親無纖芥嫌何苦而忽為此若  
謂天象告變大臣當自殺之以應天象則尤不可臣

恐天下聞之謂功臣如善長且如此四方因之解體也臣亦知善長已死言之無益願陛下作戒將來耳帝覽之亦不罪也○彭特穆爾舊作封帖木令改

秋七月崇明海門海溢

詔遣官振之發民二十五萬築堤

八月詔毋以隸卒充選舉

詔凡選舉毋錄隸卒之徒

實寶

按明洪武實錄明史本紀俱作吏卒考選舉志進士為一途舉貢等

為一途又有吏員承差知印諸雜流為一途所謂三途並進也不得云凡選舉毋錄吏矣按朱國禎大政記作隸卒合之選舉志所云倡優之家不許入試者正相比附隸為人役訛作吏今從大政記作隸

振河南山東北平水災

給鈔七十萬錠又振湖廣  
災凡鈔二十二萬餘錠

九月庚寅朔日有食之

冬十二月罷天下歲織文綺

詔工部罷天下歲織段匹凡賞賚皆給絹帛如或匱乏就京織造工部尚書秦達言造弓箭亦擾民帝命俱於京師後  
質實後湖一名元武湖在上元  
湖置局造之  
質實縣北秦達字文用宣城人

辛未二十四年春正月免山東登萊青兗濟南水災田租

二月振高密棲霞莒川被

質實

高密秦縣明屬膠州  
今屬萊州府棲霞縣

金天會中劉豫析蓬萊縣置明屬登州府今因之莒州隋置明屬青州府今屬沂州府

三月戊子朔日有食之

夏四月河決原武

河水暴溢決原武黑洋山東經開封城北又東南由陳州項城太和潁州潁上東至壽州正陽鎮全入于淮而賈魯河故道遂淤又由曹州鄆城漫東平之安山元會通河故道亦淤遣官振之

質實

黑洋

山在原武縣北二十里與陽武縣接界項城隋縣明屬陳州今屬陳州府太和宋置泰和縣明改泰為太屬潁州今屬潁州府潁上隋縣明屬潁州今屬潁州府正陽鎮亦名東正陽在壽州西六十里與潁上縣之西正陽鎮夾淮相對賈魯河故道元順帝至正十一年以賈魯為總治河防使自儀封縣東北之黃陵

岡南達曹縣之白茅村放于單縣之黃固歸德之哈  
只等口又自黃陵西至曹縣楊青村凡疏鑿二百八  
十里有奇河復故道曹州周曹國後周置州明屬充  
州府今升府鄆城隋縣明屬濟寧州今屬曹州府安  
山東平州西南三十五里有安山一曰安民山志云  
漕河西岸有安民山山下為安山湖湖濬洫百餘里  
流入小洞庭湖仍合汶水亦名積水湖元會通河故  
道元世祖至元二十六年開會通河起安山西南由  
壽張西北至東昌又西北至臨清引汶水以達御河  
長二百五十餘里建牕三十一以時蓄洩即今山東  
運河也賈魯字友  
恒河東高平人

## 封子十人為王

桀為慶王權寧王梗岷王穗谷王松韓王  
模潘王楹安王桎唐王棟郢王懌伊王  
質實  
桀帝第十

六子余妃生封寧夏權第十七子楊妃生封大寧榧  
第十八子周妃生封岷州尋從雲南樵第十九子郭  
惠妃生封宣府松第二十子周妃生封開原模第二  
十一子趙妃生封潞州榧第二十二子母未詳封平  
涼榧第二十三子李賢妃生封南陽棟第二十四子  
劉惠妃生封安陸榧第二十五子葛麗妃生封洛陽

### 秋八月命皇太子巡撫陝西

帝念天下形勢在西北欲徙都關中先遣太子相宅  
故有是命秦王檣聞帝欲徙都有怨言帝怒召至京  
錮之及太子還為  
之解明年令歸藩

### 九月倭寇雷州

倭寇雷州遂溪縣雷州衛百戶李質實  
王鎮撫陶昂戰死事聞皆官其子  
雷州唐置明府遂溪縣唐

置明屬雷州  
府今皆因之

冬十月以馮堅為僉都御史

堅南豐縣典史上書言九事一曰養聖躬清心省事  
以為民社之福二曰擇老成輔導諸王使正色直言  
以圖匡救三曰務農講武屯戍邊圉以備不虞四曰  
精選有司旌別屬吏使人勇于自治五曰褒祀典俾  
末俗有所興勸六曰省官寺以防內權七曰調易邊  
將以防外患八曰採廉能以懲貪墨九曰會闕防以  
革奸弊書奏帝嘉之稱其知時務達事變又謂侍臣  
曰堅言調易邊將則未然邊將數易則兵力勇怯敵  
情出沒山川形勢無以備知倘得趙充國班超者又  
何以數易為哉乃擢堅僉都御史堅在院頗持大體  
尋卒

質實

南豐三國吳置明  
屬建昌府今因之



十一月皇太子還京師

太子還上陝西地圖遂病  
病中猶上言經畧建都事

壬申二十五年春正月河決陽武

旁浸陳州中牟原武封邱祥符蘭陽陳留通許太康  
扶溝杞十一州縣詔免其租振貧民七萬四千餘口  
發民丁及安吉等十七衛軍實實通許宋鎮金縣太  
士修築會冬大寒役遂罷

康隋縣扶溝漢縣

明俱屬開封府今因之安吉衛  
屬河南都司後為通州衛親軍

發明

上年河決原武全入于淮而賈魯河及會通  
河故道皆淤至是再決漫州縣十餘為患大

矣未聞講求濬復之策冬寒罷役而明春不復修  
舉非禦災勤民之道也至永樂九年會通河開而

故道  
乃復

前軍都督僉事何福討都勻畢節諸蠻平之

先是二十二年福平都勻蠻俘斬萬計收降寨洞一百五十二處二十四年拜平羌將軍討越州叛蠻阿資破降之至是平都勻所部九名九姓及畢節諸蠻畢節復叛大掠屯堡百戶宗禮曲通皆戰死福檄後軍都督僉事茅昂等擒其巢禽叛首張之分兵捕諸蠻建堡設戍

質實

都勻本都雲蠻元置都雲

軍民府明改都勻衛弘治二年置府今因之九名九姓苗種元獨山州長官司明改九名九姓獨山州長官司弘治八年升為州屬都勻府今因之何福鳳陽人

宥死囚輸粟北邊

見繫死囚貸之令還鄉里備貲輸粟北邊贖罪於是重囚得有死者四百四十八人

### 夏四月皇太子標卒

神器當祥賢而昇燕王素科才武知子英若父明祖自當內所于心彼時即定計建儲不但付託得人並可謂他日骨肉之勞況父子世及本三代以下之常經又不知長君為在後之福後

帝御東角門召對羣臣慟哭曰太子不幸至此古云國有長君社稷之福朕意欲立燕王何如學士劉三吾進曰皇孫世嫡承統禮也即立燕王置秦晉二王於何地帝立孫之意遂決八月祔葬孝陵東謚懿文太子初師事宋濂通經史大義帝命裁決庶務寬仁平敏于刑獄多所減省天性友愛秦周諸王數有過輒調護之使歸國或告晉王有異謀帝大怒太子巡陝西還偕之至京為涕泣以請帝意解王亦更以恭

真質實

劉三吾名如孫以字行茶陵人

建昌衛指揮使伊魯特穆爾叛命藍王討誅之

有何疑豫而向  
廷臣說轉曲詢  
此蓋由明祖泥  
古好名致三吾  
賴生異議逆爾  
決意立孫一錯  
而不可復救且  
孫承嫡統其說  
不見禮經三吾  
所稱不知何所  
依據若太孫之  
名起於晉惠其  
後亦不克今終  
雖太甲嗣湯之  
事載于尚書亦  
以外丙仲壬之

伊魯特穆爾合德昌會川迷易栢興叩部諸番攻建  
昌轉攻蘇州王遣指揮瞿能討之至雙狼寨擒其將  
賊衆大潰伊魯特穆爾遁能督兵追捕進至打冲河  
又敗之伊魯特穆爾走栢興州王遣百戶毛海誘縛  
其父子送京師誅之盡降其衆會川土官知府王  
春作亂千戶劉成戰死指揮僉事俞輔擊降之質

實德昌元路明千戶所在建昌衛南一百四十里今  
置巡檢隸西昌縣會川元路明改衛今為會理州  
屬寧遠府迷易明千戶所屬建昌衛後屬會川衛在  
衛西北八十里今置巡檢隸會理州栢興元栢興府  
明初因之尋改為州後改鹽井衛今鹽源縣屬寧遠  
府叩部後周置郡南詔為叩部州元州隸建昌路明  
改越舊衛今越舊廳屬寧遠府蘇州本漢蘇示縣地元  
置蘇州明改衛今為冕寧縣屬寧遠府雙狼寨一作  
雙狼寨在西昌縣水砦關西北打冲河在寧遠府西  
源出吐蕃蠻名黑惠江又名納夷江下流至會理州

未堪繼嗣姑為  
變局不可以此

例燕王建文也

又如齊武帝之

立幹林逾道宗

之立天祚亦皆

弗克負荷浸至

淪胥前車可鑑

蓋三吾不過樂

太孫寬原乃敢

偽託禮文以陰

撓大計實罪不

容誅而明祖不

知慎始慮終軼

于授受禍患自

貽實當斷不斷

合金沙江瞿能合肥人○伊魯  
特穆爾舊作月魯帖木兒今改

六月西平侯沐英卒

英沉毅寡言笑好賢禮士撫卒伍有恩未嘗妄殺在  
滇百務具舉簡守令課農桑墾屯田百餘萬畝滇池  
溢浚而廣之通鹽井之利以來裔旅疎節濶目民以  
便安帝嘗曰使我高枕無南顧憂者英之功也及是  
卒年四十八遠夷皆為流  
涕追封黔寧王謚昭靖

秋七月高麗李成桂逐其君瑤而自立

成桂在國威權日盛瑤雖為所立慮禍必將及己與  
近臣圖之事泄成桂遂逐瑤而自立瑤出居原州王  
氏自五代後唐時得國傳四百數十年至是絕成桂  
尋以國人表請命帝以高麗僻在海隅非中國所治

詔聽之既又請更國號  
帝命仍古號曰朝鮮  
實寶  
原州隸江原道在  
朝鮮國城東面

改詹事院為府

先是東宮官多以大臣兼領十五年更定左右春坊  
官各置庶子諭德中允贊善司直郎又各設大學士  
尋定司經局官設洗馬校書正字二十二年以官聯  
無統始置詹事院至是改院為府設詹事及少詹事  
等官  
實寶  
詹事一員正三品少詹事二員正四品左右  
春坊大學士庶子俱正五品諭德洗馬從五  
品中允正六品贊善從六品校書正九品  
二十九年增設清紀郎司諫通事舍人

竄竒嵐州學正吳從權山陰縣教諭張恒于遠方

從權恒給由至京帝召問民間疾苦從權恒皆言職  
在課士民事無所知帝曰宋胡瑗教授蘇湖設經義

治事二齋兵農水利無不兼之當時得人稱盛爾二人既不通世務罔識民情則平日所教何事生徒中縱有人材亦為爾輩所壞矣命竄之  
遠方且榜示天下學校以為鑒戒  
質實  
山陰縣金州今屬大同府給由明史職官志凡内外官給由吏部考功司掌之三年初考六年再考並引請九年通考奏請綜其稱職平常不稱職而陟黜之

### 八月給公侯歲祿

初帝賜勲臣公侯丞相以下莊田多者百頃又賜諸武臣公田以其租入充祿勲臣莊佃多倚威干禁帝每召諸臣戒諭之至是給歲祿歸賜田于官

### 九月立孫允炆為皇太孫

考無寬則得矣  
書云寬而有制  
二者不可偏廢  
必有制然後可  
行其寬如此大  
寬則寬矣安能  
有制哉及至前  
諸藩似乎有制  
矣而以冒昧行  
之仍屬無制則  
知其寬亦不過  
柔儒無能之寬  
而非有制之寬  
也紀事者於此  
文多過譽然亦  
宜能救其失焉

允攷太子第二子也既立為太孫帝命裁決庶務寬  
厚如太子緣其意而有加焉中外頌德帝嘗大怒有  
所誅譴退朝太孫進曰如得其情哀矜勿喜是或一  
道也帝意解還者獲盜七太孫目之言于帝曰六人  
者盜其一非是訊之果然帝問何以知之對曰周禮  
聽獄色聽為先此人眸子瞭然顧視端詳必非盜也  
帝喜曰治獄  
貴通經信然

### 詔求精曉厯數之士

其數往知來試無不驗者爵封侯山東國子生周敬  
心上言臣聞國祚修短在德厚薄不在厯數陛下但  
當修德皇祚自傳萬世何必問諸小技之人又言陛  
下連年北征臣民皆以為欲得傳國寶臣聞傳國寶  
出自楚平王秦始皇王名之曰璽石敬瑭亂路王携以  
自焚則秦璽固已燬矣敬瑭更以玉製晉亡入遼遼



亡遺於桑乾河元世祖時扎拉爾者漁而得之今元人所挾石氏璽耳易曰聖人之大寶曰位何以守位曰仁是仁乃人君之寶玉璽非寶也昔者三代聖王不知有璽天下治安享國長久秦始制璽不旋踵而亡陛下奈何忽大璽而求小璽耶又言方今戶口雖多而勞民者衆倉廩雖實而民窮者多教化博而民不悅法度嚴而民不從昔汲黯言于漢武帝曰陛下內多欲而外施仁義奈何欲效唐虞之治乎今國則願富兵則願強土地則願廣人民則願衆于是多取軍卒廣積稅糧征伐不休營造無極如之何其可治也又言洪武十二年欽錄天下官吏十三年連坐胡黨十九年逮官吏積年為民害者二十三年大戮京民妄立罪名不分臧否豈無善良偶入註誤之中者昔漢時誤殺一孝婦東海枯旱三年方今四方水旱未臻大稔未必不由殺戮無辜質寶扎拉爾元穆呼感傷和氣之所致也疏入報聞

里氏也穆呼里

曾孫碩迪已死而貧其妻出玉璽一鬻之或以告御史中丞崔彧彧召秘書監丞楊桓辨其文曰受命于天既壽永昌傳國璽也獻之故太子妃鴻吉哩氏時世祖方晏駕妃手以授於成宗桑乾河源出山西馬邑縣北山下東流經山陰縣應州大同府陽高縣天鎮縣界又東經直隸西寧縣南蔚州北又東經宣化縣南界又東經保安州南與洋河會又東南入宛平縣界為永定河即古濕河也 扎拉爾舊作扎刺爾碩迪舊作碩德鴻吉哩 舊作弘吉烈今並改

發明

元難誣命靡常豈術數之學所能窺測哉睦

弱有女武代王遂以武衛將軍李君羨小字五娘疑而殺之不知才人武氏早已入宮故李淳風以為多殺無辜不能達也明祖過舉聞敬心謹言可以悟矣

以方孝孺為漢中教授

紀此者蓋謂明祖有光見耳若果有先見一立棟而諸儒自消何必留一迂儒令賴庸碌而成靖難錄失之慘是天不然矣

小過本不至于連繫但既以屬吏則罪有宜出朝廷若因部民伏闕乞留遂為繼造是黜陟之

孝孺少好學恒以明王道致太平為己任十五年以吳沈薦召見帝喜其舉止端整謂太子曰此莊士當老其才禮遣還至是又以薦召至帝曰今非用方孝孺時除漢中教授蜀王椿聞其賢聘為世子師名其讀書之廬  
**質實** 方孝孺字希直一字希曰正學 古寧海人克勤之子

冬十二月徵安陸知州余彥誠下吏尋釋之

彥誠以徵稅愆期逮州民楊公等伏闕乞留帝賜宴遣還公等亦預宴時帝操重典繩羣下守令坐小過輒逮繫其部民走闕下乞留旋  
**質實** 余彥誠遣還且加賞賚有因以起擢者  
**德興人**

癸亥 二十六年春二月涼國公藍玉以罪誅

初編祇得而  
孫之成何政體  
明祖于此且加  
以賞資起雖不  
啻導之作奸佞  
猾吏刁民窺見  
意指交通感聽  
流弊伊于胡底  
國法吏治不因  
之俱壞乎

太子在東宮即  
有以藩王有不

王有勇略數總大軍多立功帝遇之厚愛驕蹇自恣  
多蓄莊奴假子乘勢漁獵嘗占東昌民田御史按問  
王捶逐御史北征還夜叩喜峯關關吏不即納王縱  
兵毀關入帝聞之不樂又有言其私元主妃者錫其  
過於券王猶不悛及西征歸以王兼太子太傅而馮  
勝傳友德俱兼太子太師王攘袂大言曰我國不當  
為太師耶比奏事多不聽益怏怏語所親曰上疑我  
矣至是錦衣衛指揮蔣瓌告王謀反廷鞠之獄詞云  
王與鶴慶侯張翼普定侯陳桓景川侯曹震岫壘侯  
朱壽東莞伯何榮及吏部尚書詹徽戶部侍郎傅友  
文等謀為變將伺帝出藉田舉事獄具族誅之列侯  
以下坐黨夷滅者萬五千人於是元功宿將相繼盡  
矣○王常遇春妻弟懿文太子元妃常氏遇春女也  
王初征納克楚還言於太子曰臣觀燕王在國陰有  
不臣心又聞望氣者言燕有天子氣殿下宜審之燕  
王聞而銜之及太子卒燕王來朝帝問曰民間近謂

臣之心為言者  
觀此則可知建  
尚建藩之可行  
不可行矣然燕  
王在洪武時未  
嘗有不臣之迹  
即或懷懷天志  
其事必甚秘亦  
豈藍王所能窺  
測其密告太子  
之言惟見於永  
樂贊錄或出當  
日史官附會否  
則王璉為是言  
以煽亂亦未可  
知總之明祖若

朕若何對曰諸公侯縱恣無度不誅將有尾大不質  
捍憂帝由此愈疑忌功臣王歸不數月而王禍作  
實張翼臨淮人陳桓濠人何紫真之子詹徽資陰刻  
李善長死有力焉從懿文太子錄囚太子多所舍  
徽必入之以語上上怒太子生病悸曰死我者詹徽  
及從太孫錄王玉不服徽叱曰速吐實毋徒株連人  
王大呼徽即臣黨粹徽下  
斷手足戮之見臣林記

發明燕王請誅功臣以逞私志適當帝猜忌之時故  
其言易入藍王之罪雖由自取而蔓延之誅未  
免太甚其後燕師起而元功宿  
將盡矣李九江輩何能為役哉

### 三月命晉王樞燕王棣節制山西北平軍事

詔二王軍中事大者方以聞宗國  
公馮勝顏國公傅友德並受節制

無建階建藩之  
事繁論又何由  
而起哉

夏四月詔有司振饑毋俟報

諭戶部曰歲荒民饑必候奏請道途往返遠者  
動經數月民之饑死者多矣凡遇歲饑廩以奏

早詔羣臣言事理獄囚

帝以雨澤愆期命禮部令  
天下郡縣以雨澤之數聞

秋七月甲辰朔日有食之

九月以鄭濟為左庶子王懃為右庶子

初東宮官屬缺命廷臣舉孝義篤行之士工部尚書  
嚴震直以浦江鄭氏對帝曰朕素知鄭更聞其里王  
氏力行鄭氏家法可用以勵天下乃徵兩家子弟年  
三十以上者詣闕令自推舉鄭氏舉濟王氏舉懃遂

并拜

質寶

浦江唐析義烏蘭谿富陽三縣地置浦陽縣吳越改浦江明屬金華府今因之鄭濟

源之弟王澄浦江人慕義門鄭氏風將終集子孫誨之曰汝曹能合食同居如鄭氏吾目瞑矣子孫拜受教澄之子子覺子麟子偉承父志子覺生應為鄭濟所舉授參議子偉生懃義門王氏之名遂埒鄭氏嚴震直字子敏烏程人

冬十二月戶部奏是歲天下戶口之數

戶一千六百五萬二千八百六十  
口六千五十四萬五千八百十二

甲戌二十七年春正月發天下預備倉穀貸貧民

先是命戶部遣耆民於各郡縣糴穀置倉儲之民間委富民守視以備荒歉議者以粟藏久致腐宜貸於

民而收其新者於  
是遣使給貸之

### 三月命工部藏兵甲

帝以四方底定命工部收  
兵甲裹而藏之示勿復用

### 秋八月遣使修天下水利

帝諭工部湖堰陂塘可蓄洩以備旱澇者皆因地勢  
修治之乃分遣國子生遍詣天下督修水利凡開塘  
堰四萬九百  
八十七處

### 九月命禮部定旌表例

日照縣民江伯兒母病割脇肉以療不愈禱岱嶽祠  
誓殺子祀神已而母病愈竟殺其三歲子山東守臣



以聞帝怒曰父子天性小民無知減倫害理亟宜治罪遂逮伯兒杖之百遣戍海南因下禮官定旌表孝行例尚書任亨泰議曰卧冰割股事非恒經割股不已至於割肝割肝不已至於殺子違道相生莫此為甚墮宗絕祀不孝之大宜嚴行戒諭倘愚民遇父母有疾醫治弗愈無所控訴不得已而割股卧冰亦聽其所為不在旌表之例詔曰可質實日照縣金置明屬青州府今屬沂州府任亨泰襄陽人

### 修寰宇通衢書成

帝命儒臣以天下道里之數編類為書其方隅之目有八東距遼東都司東北至三萬衛西極四川松潘衛西南距雲南金齒南踰廣東崖州東南至福建漳州府北暨北平大寧衛西北至陝西甘肅縱一萬九百里橫一萬一千七百五十里四裔之驛不與焉

冬十一月賜賴國公傅友德死

友德身冒百死自偏裨至大將每戰必先士卒以故所至立功二十五年友德請懷遠田千畝帝不悅曰祿賜不薄矣復侵民利何居爾不聞公儀休事耶及是竟賜死友德與藍玉先後同統兵有功玉誅友德內懼定遠侯王弼謂曰上春秋高旦夕質實懷遠宋且盡我輩奈何帝聞之未幾弼亦賜死置軍元改縣明縣屬鳳陽府今因之

乙亥二十八年春正月西平侯沐春討越州蠻平之

越州蠻阿資恃險屢叛春與都督何福率師營越州城北伏精兵道左以羸卒誘賊賊悉衆出伏起大敗之阿資亡山谷中春詢知所在樹壘斷其糧道已出不意擣其巢遂禽阿資斬之俘其黨越州平

## 二月賜宋國公馮勝死

勝自金山歸不復將大兵二十五年命與傅友德練軍山西帝春秋高多猜忌勝功最多數以細故失帝意藍玉誅之月與友德自山西召還勝嘗築稻塲瘞廐其下以碌礪碾之取其韃韜聲走馬其旁以為樂有樊父者勝兄國用妻家也有所干索於勝勝不予樊父遂告勝家居不法塲下悉瘞兵器帝召勝賜之酒是夕暴卒諸質實龐小子皆不得嗣麗也

## 秋八月命都督楊文等討龍州奉議諸蠻

龍州土司也洪武初其酋趙帖堅歸附詔以為知州許世襲二十一年帖堅死無子從子宗壽當嗣會常茂以罪戍州帖堅妻黃以愛女予茂為小妻擅州事茂病死黃與宗壽相告許帝以遠人釋不問宗壽卒

得嗣已而或構蜚語言茂匡龍州實不死宗壽知狀  
帝怒命宗壽捕茂并諭都督府檄宗壽詣闕宗壽懼  
遷延不敢出廣西守臣奏宗壽抗命且言奉議諸蠻  
皆梗化乃以文為征南將軍指揮使韓觀都督僉事  
宋晟為副發江西湖廣諸衛兵討之復命致仕尚書  
唐鐸往諭宗壽文等師未至鐸還奏茂實死宗壽亦  
伏罪請朝乃罷征龍州令文質實奉議州宋置明改衛  
等移師討奉議諸蠻平之  
鎮安府韓觀字彥賓虹縣人宋  
晟字景陽定遠人唐鐸鳳陽人

## 信國公湯和卒

和前有酒過守常州時請事不得醉出怨言曰吾鎮  
此城如據屋脊坐左顧則左右顧則右帝聞而銜之  
鐸其過於鐵券晚年益為恭慎入聞國論一語不敢  
外泄當時公侯諸宿將先後罷法稀得免者和獨享

恭慎不世所由  
以功名終和之

壽考以功名終卒年七十追封東甌王謚襄武

### 九月免山東秋糧

以供給遼東山西北平軍需詔蠲其祖又免應天等五府秋糧

### 頒皇明祖訓

律已實高世當時諸將上亦猶唐之李郭同建勲績而子儀獨至今名也明祖晚年於諸功臣多有疑忌然如胡藍之獄乃法所必誅餘雖各有取禍之道然往往休連不已照狀又多未分明烏盡弓藏較之漢高尤為過其也

帝初命儒臣編祖訓錄其目十有三曰歲戒持守嚴祭祀謹出入慎國政禮儀法律內令內官職制兵衛營繕供用六年書成帝自為之序命大書揭於右順門內西南廊下諦覽損益至是更定名曰皇明祖訓頒示內外諸司諭曰後世有敢言更制者以姦臣論母赦

丙子二十九年春二月命燕王棣帥師巡邊

寧王權言近者騎兵巡塞見有脫輻遺於道上恐有  
邊警帝乃命燕王棣選精騎巡大寧全寧沿河南北  
蹤跡所在  
掩擊之

三月敗元兵於察察爾山又追敗之於烏梁海圖城而  
還

棣至察察爾山遇元兵大敗之禽其將布琳特穆爾  
等數十人追至烏梁海圖城遇哈拉固又戰敗之遂  
旋質實察察爾山方輿紀要云在大寧衛北○察察  
爾山舊作徹徹兒山布琳特穆爾舊作孛林  
帖木兒圖城舊作禿城哈  
拉固舊作哈刺兀今並改

定孔子廟從祀

帝以行人司副楊砥質實楊砥字大用澤州人言去揚雄進董仲舒

秋八月免應天五府田租

詔免應天太平寧國廣德鎮江五府租以酬民勞

殺監察御史王樸

樸性鯁直數與帝辨是非帝怒命戮之及市召還諭曰汝其改乎對曰陛下不以臣為不肖擢官御史奈何推辱至此使臣無罪安得戮之有罪又安用生之臣今日願速死耳帝大怒趣命行刑過史館大呼曰學士劉三吾志之某年月日皇帝殺無罪御史樸也竟戮死質實王樸同州人本名權帝為改焉

九月大賚致仕武臣

凡二千五百人悉名入朝大賚之各晉秩一級

丁丑三十年春二月白虹亘天貫日

三月熒惑入太微八十日

刑部請加反逆法不許

刑部署尚書夏恕都察院署左僉都御史司中等奏請加反逆法以漢法反者夷三族宜改大明律依法不分異姓同居三族皆坐帝曰古者父子兄弟罪不相及漢用秦法故謀反逆者皆夷三族其法太重明刑定律務在公平加之於人雖死不怨傳之後世必不能有所變更恕等固請帝不允但令如律

寶

夏恕洛陽人



夏五月壬子朔日有食之

命楚王楨湘王栢帥師討古州叛蠻

先是古州蠻林寬作亂攻陷龍里守將千戶吳得鎮撫井孚殺賊數十人戰死事聞詔贈得指揮僉事孚正千戶以湖廣都指揮使齊讓為平羌將軍討之既而寬犯新化攻平茶千戶紀達突陣手殺數人流矢中臂拔之復戰賊大驚曰是平茶紀蒙耶蠻呼官為蒙乃遁帝命楚王楨帥師湘王栢副之由黔陽辰溪進勸二王不臨軍而請餉三十萬帝屢詰責之以讓逗遛不進命都督楊文克總兵官徃代文未至讓俘寬以獻帝卒誅讓命文討寬餘黨悉平之時貴州水西土酋居宗必登等亦叛帝命顧成會何福等討之成擊斬數千人以計禽其黨卜刺贊射質實龍里元殺阿火者居宗必登援絕遠遁水西平

質實  
龍里元  
寨明置

靈夷長官司今司屬貴州黎平府新化明初置長官司永樂中設府宣德中府廢仍為長官司今司屬黎平府平茶明守禦所今廢故城在黎平府東黔陽宋縣明屬沅州今屬沅州府辰溪隋縣明屬辰州府今因之吳得全椒人并孚盱眙人

## 六月策試禮部下第舉人

初制禮聞取士不分南北是春考官學士劉三吾紀善白信蹈榜發宋琮等五十二人皆南士廷試擢陳邠第一諸生上言考官南人私其鄉帝怒命侍讀張信等覆閱下第卷得六十一人以進不稱旨或又言三吾信蹈囑信第故以陋卷呈帝益怒自閱卷取任伯安等六十一人皆北士廷試擢武城人韓克忠第一信蹈及信等論死三吾以老成質實武城本漢縣邊時謂之南北榜又曰春夏榜云

隋改清河縣

別置武城於古夏城宋大觀中河決移今治西至清河縣六十里明屬高唐州今屬東昌府宋琮泰和人善易學授檢討語人曰翰苑有厄吾其竄乎既而考官禍作琮亦遣戍後起刑部檢校鄉人楊士奇輩貴顯琮無所攀援宣德中猶以檢討掌助教事卒官陳郊閭縣人張信定海人任伯安題名錄作伏伯安歸德人

# 秋八月河決開封

城三面受水詔改作倉庫於滎陽高阜以備不虞冬蔡河徙陳州先是河決由開封北東行至是下流淤又決而質實蔡河一日沙河在開封城東南自汴河之南分流至鹿邑縣合潁水其在陳州東曰百尺溝是年大河南決擁蔡水入陳州而蔡河之流漸絕

沔縣吏高福興作亂命征西將軍耿炳文討誅之

先是正月福興及縣民田九成僧李普治謀為亂教諭王樸知之言於漢中衛衛發兵捕普治獲之次陽平關之土門賊大集逆戰官軍敗賊遂入畧陽殺知縣呂昌焚徽州殺學正顏叙彬陝蜀番民皆響應炳文時練兵陝西帝命移兵討之炳文駐文縣遣將分道追勦至是福興就禽并獲其黨悉誅之有脅從者為軍凡四質實

陽平關在寧羌州東北九十里

九月平緬蠻刀幹孟逐其宣慰使思倫發詔沐春討之

平緬俗不好佛會有僧自雲南至思倫發尊信之又  
有金齒戍卒逃入其境思倫發喜其技能俾繫金帶  
與僧俱位部長上部長刀幹孟怒遂叛攻騰衝思倫  
發走雲南沐春送至京師帝憫之命春與何福等討

欽定四庫全書



卷三

三十二

幹孟遣思倫發還諭春先以兵送之金齒檄幹孟來  
迎不應明年遣何福等將兵五千踰高良公山直擣  
南甸大破之斬其酋刀名孟回軍擊景罕寨賊憑高  
堅守官兵糧且盡福告急春卽五百騎救之乘夜渡  
潞江破之乘勝擊破崆質實騰衝唐白蠻所居號騰  
峒寨幹孟乞降帝不許衝府元改騰越府明洪  
武末改騰衝守禦千戶所嘉靖二年改騰越州屬永  
昌府今因之高良公山亦曰高黎共山一名崑崙岡  
在騰越州東北一百二十里蒙氏僭封西嶽南甸元  
路明政府又改州正統時為宣撫司今屬永昌府景  
罕寨在永昌府潞江安撫司西南潞江在潞江安撫  
司東北五十里亦曰怒江以波濤洶湧故名源出吐  
蕃南流又東經永昌府界下流至緬甸入南海蒙氏  
僭封四瀆之一崆峒寨方輿紀要云在潞江安撫司  
境

戊寅三十一年春二月倭寇山東浙江

倭寇山東寧海州百戶何福戰死殺鎮撫盧智寧海衛指揮陶鐸擊敗之浙江都指揮言倭賊二千餘人寇海澳寨楚門千戶王斌鎮撫袁質實寧海州金天潤等皆戰死詔發兵出海追捕會中劉豫置

寧海軍大定中升州明屬登州府今因之寧海衛在州西海縣鎮在寧海縣南一百里舊作鐵場於此楚門台州府太平縣西南有靈山與玉環山相接其峽如門名楚門港海舶由此出入楚門千戶所明置在太平縣西南六十里何福與前軍都督同姓名

夏五月帝不豫

臨朝決事  
如平時



命都督楊文從燕王棣武定侯郭英從遼王植備邊開平俱聽燕王節制

勅楊文總北平都司行都司并燕谷寧三府護衛隨燕王郭英總遼東都司并遼府護衛隨遼王駐開平防邊俱聽燕王節制

發明

考明太祖實錄是年四月乙酉勅燕王防秋五月甲寅帝不豫戊午勅楊文郭英乙亥再

勅燕王節制諸軍又云遣中使持符召燕王還京至淮安用事者矯詔却還成祖實錄云太祖不豫遣中官召上已至淮安太孫與齊泰等謀詐令人賁勅符令上歸國云云所謂勅符即此勅也按太祖實錄重修於永樂中凡所云帝欲立燕王者已不可盡信而成祖實錄則於建永之間更多誣辭

不足為信史也洪武二十八年秦王樸卒是年三月  
晉王桐卒燕雖勢居寵偏然節制之命豈足以為易  
儲之  
據哉

# 閏五月帝崩

乙酉帝崩於西宮年七十有一遺詔皇太孫允炆仁  
明孝友天下歸心宜登大位諸王臨國中毋至京師  
天下臣民臨三日  
質實  
按明太祖實錄閏五月  
皆釋服無妨嫁娶  
丙子朔乙酉十日也

# 太孫允炆即位

以明年為  
建文元年

# 詔行三年喪



羣臣請以日易月帝曰朕非效古人亮陰不言也朝則麻冕裳退則齊衰杖經食則饘粥郊社宗廟如常禮遂命定儀以進

### 葬孝陵

辛卯葬孝陵距崩七日遵遺詔也謚曰開天行道肇紀立極大聖至神仁文義武俊德成功高皇帝廟號太祖時諸王尚未聞喪遂援遺詔止毋會葬

明史贊曰太祖以聰明神武之資抱濟世安民之志乘時應運豪傑景從戡亂推強十五載而成帝業崛起布衣奄奠海宇西漢以後所未有也愍元政廢弛治尚嚴峻而能禮致耆儒考禮定樂昭揭經義尊崇正學加恩勝國澄清吏治修人紀崇風教正後宮名義內治肅清禁宦豎不得干政五府

六部官職相維置衛屯田兵食俱足武定禍亂文  
致太平太祖實身兼之至於雅尚志節聽蔡子英  
北歸晚歲憂民益切嘗以一歲開支河暨塘堰數  
萬以利農桑備旱潦用此子孫承業二百餘年士  
重名義閭閻充實至今苗裔蒙澤  
尚如東樓白馬世承先祀有以哉

詔文臣五品以上及州縣正官各舉所知

非其人  
者坐之

六月省并州縣汰冗員

質實

建文初所汰冗員見於革除編年者有革都察  
院司獄四員革天下陰陽醫學革建昌府旰江

通運所南城縣藍田巡檢司又革鳳陽開封懷慶平  
陽等府屬遞運所凡數十處省左右布政司一員革

五軍都督府斷事官華慶州府大昌縣省衛輝府昨  
城縣訓導二員省永州府江華縣縣丞主簿各一員  
華各府照磨所檢校司獄省廣州府連山縣以其地  
入連州等甚詳憲章錄載有華略陽縣華南丹衛附  
慶遠省興濟縣入青縣省翁源縣入英德省保昌縣  
省忻城縣入東蘭省沔縣入襄城省兩當縣入徽州  
省恭  
城縣

戶部侍郎卓敬請徙封燕王棣於南昌不聽

敬密疏言燕王智慮絕人酷類先帝北平形勝地士  
馬精強金元所由興也宜徙封南昌萬一有變亦易  
控制奏入翌日帝召謂敬曰燕王朕骨肉至親卿何  
得及此敬叩頭曰臣所言天下大計願陛下察之帝  
曰卿休矣  
實實  
南昌唐南昌軍南唐升府明初  
事竟寢  
曰洪都府尋復南昌府今因之

世人多以卓敬徙封  
之說比之曲突徙薪  
而以建文不從為惜  
然不久而有願實字  
盜東甬門之語殊自  
相矛盾然以此論若  
在洪武朝與諸正名  
分之說並陳明祖或

能保而行之本當不可預後患至建文既立燕藩又當與謀誠使敬說果行亦不過速之反耳大以燕王智慮過人非能束手受制者製後此等王權本台不至即能不動靜也燕而執之流封內地則敵之所為深謀秘計固不能出燕王意料之中則當身安危幾顧肯俯首聽人牽掣乎太孫初立正龍潛養德之時況明祖尚猶

### 召方孝孺為翰林院侍講

帝在東宮時素聞孝孺賢及即位自漢中馳驛召至日侍左右備顧問帝好讀書有疑即使講解臨朝奏事臣僚面議可否或命孝孺就展前批荅之

### 以齊泰為兵部尚書黃子澄為太常寺卿參預國事

奉為兵部侍郎習邊事太祖嘗問邊將姓名泰歷數無遺又問諸圖籍出袖中手冊以進簡要周密大奇之子澄先以修撰充東宮伴讀帝為太孫時嘗坐東角門謂曰諸王尊屬擁重兵多不法奈何對曰諸王護衛兵僅足自守倘有變臨以六師其誰能支漢七國非不强卒底滅亡順逆之理異也至是遂命子澄兼翰林學士與泰同參國政時燕周齊湘代茂諸王相煽動流言聞於朝帝謂子澄曰先生憶昔東角門

在御即詣王雖兵于  
外有河衛尋地偏可

疑而輒向宮僚問言

全良策實非僞或所

宜言子澄承問自當

對以正道並衆賤視

大我懇切敷陳以辨

將來雖覺乃竟預籌

控制之術且引漢家

七國故事同例並稱

以送斷諸王之必反

其輔導東宮處人骨

月寶兩夫之建大機

位未幾遂以憶昔東

角門之言為詢則其

衷心積慮誠不虛過

之言乎對質實齊泰初名德賜  
曰不敢忘名泰漂水人

秋七月長星西隕

有聲如雷詔行寬

政赦有罪蠲通稅

周王橐有罪廢為庶人

橐子有勸告橐謀不軌解連燕齊湘三王齊泰與黃

子澄謀秦欲先圖燕子澄曰不然周齊湘良諸王在

先帝時多不法今告變者已在周矣莫若先取之周

燕之母弟削周是剪燕手足也謀定入白帝遂命曹

國公李景隆以備邊為名猝至開封圍王宮執之以

歸帝欲釋之泰子澄不可未決出相語曰上婦人之

仁耳事勢如此安可不斷明日復言之乃廢橐

為庶人實蒙化諸子皆別徙已復召還京錮之質實

事猶訪母於姑公  
實也

強臨難制當時自吳  
如燕周齊相代諸王  
不過矯縱自恣初非  
有規總之心如吳  
楚成比且有黜自首  
其父此在平氏亦不  
宜聽而仍當置之手  
法者乃欲借以剪燕  
羽翼先削周王相齊  
復相繼置廢實為非  
策惠帝甫經昭統不  
忍停睦以繫屬人心  
而顧黜奪日間重傷  
親誼致諸藩人人自

蒙化元置府尋升路降州明初因之屬大理府正統  
間升府今改雲南直隸廳李景隆文忠子小字九江  
八月詔天下衛所軍單丁者放為民

### 西平侯沐春卒於軍

春在鎮七年大修屯政闢田三十餘萬畝鑿鐵池河  
灌宜良迺田數萬畝民復業者五千餘戶至是卒年  
三十六無子弟嚴質實鐵池河一名大池江一名盤  
嗣詔何福領其衆江在宜良縣東八十里源自  
曲靖府陸涼州流入境至鐵池鋪入山峽數十里入  
澂江府界謂之鐵池河宜良縣元置明屬雲南府今  
因之

### 冬十月熒惑守心

危胡燕王久蓄異謀  
縱畏並深適以促其  
禍亂謀之不臧并不  
止聖慈千里之誨矣  
且齊黃既知建文之  
為婦人之仁而已又  
實無揆舍之能害入  
家國自貽伊戚雖一  
死宜足以謝天下哉

詔求直言舉山林巖穴懷才抱德之士壽州學訓導  
劉亨言六卿秩卑於五府當並為一品國子祭酒師  
表天下士位不當在太僕下諸將子弟宜設武學教  
以事上使下之道帝嘉納之擢武進縣丞於是蘇州  
府知府姚善薦錢芹投戶部司務質實武進縣孫吳  
又鄭恕接連鄭楷皆以薦擢用  
進明為常州府附郭縣今因之劉亨字嘉會廬陵人  
燕王立罷歸屢薦不出姚善字充一安陸人錢芹字  
繼忠吳縣人善迎芹上座質經義芹曰非今所急也  
授以一冊皆守禦策鄭恕仙居人樓璉金華人成祖  
既殺方孝孺以草詔屬侍讀樓璉不敢辭歸語妻  
子曰我甘死恐累汝輩耳其夕自經死或曰草詔乃  
枯蒼王景又曰無錫  
王達鄭楷浦江人

前都督府斷事高巍上書言時政

分封本非良法  
賈誼最建之謀  
主父偃推恩之  
策亦不過書生  
紙上談兵即未  
雨綢繆尚忌不  
足收制馭親藩  
之效況惠帝時  
積弊已成禍患  
近在眉睫高寵  
此議燕王豈能  
降心相從即從  
之而奸亂樂禍  
加高駒者亦安

魏在洪武時侍母蕭氏疾以孝行旌由太學生試前  
軍都督府左斷事尋謫戍貴州及帝即位赦還遼州  
知州王欽辟魏應詔時用事者方議削諸藩魏獨上  
書請加恩畧曰高皇帝分封諸王北之古制既皆過  
當諸王又率多驕逸不法違犯朝制不削則紀綱不  
立削之則傷親親之恩賈誼曰天下治安莫若衆建  
諸侯而少其力今盡師其意勿行黷錯削奪之謀而  
效主父偃推恩之策在北諸王子弟分封於南在南  
子弟分封於北如此則藩王之權不削而自削矣臣  
又願益隆親親之禮歲時伏臘使人餽問賢者下詔  
褒賞之驕逸不法者初犯宥之再犯赦之三犯不改  
則告太廟廢處之豈有不順服者哉帝頗嘉之不能  
用及燕兵起命從李景隆出師參贊軍務魏復上書  
請使燕令休兵歸藩代朝廷十萬師帝壯其言許之  
魏至燕自稱國朝處士上書燕王極陳禍福且言大  
喪未終毒興師旅其與夷齊泰伯讓國求仁之義不



能保其不相助  
為逆耶總能還  
其筆墨大言不  
慙實無益于國  
事觀其自請詣  
燕上書不報遂  
目拔歸則其空  
言無濟概可見  
矣

大徑庭乎雖大王有肅清朝廷之心天下不無篡奪  
嫡統之議即幸而不敗謂大王何如人哉書屢上不  
報已而景隆兵質實斷事職官志洪武十七年五軍  
敗遂自拔南歸都統府各設左右斷事秩從五  
品尋升正五品建文中革遼州隋置明  
直隸山西布政司今因之高巍遼州人

頒示御史尹昌隆諫疏於天下

帝有疾晏朝昌隆疏諫畧曰昔高皇帝鷄鳴而起昧  
爽而朝百官戒懼不敢稍怠陛下嗣膺大業宜追繩  
祖武未明求衣日旰忘食今乃即於晏安日上數刻  
猶未臨朝恐自此上下懈弛曠職廢業非社稷福也  
左右請以疾諭之帝曰直諫難得何可質實  
沮也其以疏宣示天下使咸知朕過質實  
尹昌隆  
字彥謙  
泰和人

發明

有疾而晏朝御史諫而宣其疏可謂勉於勸言矣然明年昌隆即以抗疏謫福寧知縣則

帝亦好名而非有改過遷善之實也厥後燕王入捕昌隆等為奸黨同驅就戮昌隆當陞大呼曰臣曾上章勸以位讓陛下奏牘尚在可覆按也特貸死改官昌隆以剛直自負卒被呂震之譖竟夷其族惜乎其死之不早耳

十二月賜天下明年田租之半

都督何福禽刀幹孟斬之

沐英既卒賊復懷貳福率兵討之

禽斬刀幹孟思倫發始歸平緬


以張昺為北平布政使謝貴張信為北平都指揮使

自帝為太孫中外屬望獨燕王棣心不平常懷窺覲  
及即位削藩議起僧道行勸棣為逆棣曰民心向彼  
奈何道行曰臣知天道安問人心乃進相士袁珙及  
卜者金忠自是棣陰事一切與道行謀棣居元故宮  
稱疾不出道行練兵後苑穴地作重屋周繚厚垣密  
甃銳甌瓦缶日夜鑄軍器畜鵝鴨亂其聲久之事益  
露上變者日甚帝問齊泰黃子澄子澄曰先發者制  
人請討之泰曰今方有邊報但當以防邊為名發軍  
戍開平護衛精銳悉調出塞羽翼既除雖欲為變不  
能矣帝然之乃更置守臣以工部侍郎張曷為北平  
布政使謝貴張信為北平都指揮使並受密命伺察  
燕事尋命都督宋忠率兵屯開平以燕護衛卒隸之  
又調北平二衛質實張曷澤州人謝貴未詳所自洪

武時官錦衣衛指揮僉事降河  
南指揮僉事張信臨淮人袁珙鄆縣人善相術棣召  
見諦視曰太平天子也年四十鬚過臍即登大寶矣

已見藩邸諸校卒皆許以公侯將帥祿益自喜逆謀  
遂決金忠鄞縣人宋忠未詳何許人洪武時官錦衣  
衛指揮使

御定資治通鑑綱目三編卷三



總校官舉人臣章維桓

校對官編修臣吳舒帷

膳錄監生臣龔述祖

欽定四庫全書叢要

史部

御定資治通鑑綱目三編卷四



詳校官編修臣汪鏞

欽定四庫全書蒼要卷七千四百十六 史部

御定資治通鑑綱目三編卷四

起己卯明惠帝建文元年  
盡壬午明惠帝建文四年 凡四年

閱惠皇帝建文元年春正月修太祖實錄



受朝不舉樂詔修太祖實錄以禮部左侍郎兼翰林

院學士董倫右侍郎兼翰林院學士王原彰為總

裁官太常寺少卿廖昇侍講學士高遜志侍講方孝

孺副之修撰李貫國子監博士王紳漢中府教授胡

子昭教授楊士奇訓導羅恢 質實 董倫字安常恩縣

吏目程本立等充編纂官 人王景彰名景以

字行松陽人廖昇襄陽人李貫吉水人王紳字仲縉

金華人禕之子胡子昭字仲常嘉定州榮縣人楊士



奇名寓以字行泰和人州薦徵授教授當行修撰王叔英復以史才薦遂召入翰林充編纂官羅恢崇仁學訓導程本立字原道崇德人周府長史坐累謫雲南馬龍他郎甸長官司吏目遷右僉都御史

二月追尊皇考曰孝康皇帝

廟號興宗妣常氏為孝康皇后

尊母呂氏為皇太后

質實

皇太子妃呂氏壽州人太常卿本之女

立妃馬氏為皇后子文奎為皇太子

質實

皇后馬氏光祿少卿奎之女文奎皇后生七歲燕師入莫知所終

封第三人為王

允燾為吳王允燾衡王  
允熙徐王俱不之藩

詔諸王毋得節制文武吏士

太祖遺詔王國所在文武吏  
士聽朝廷節制故申是命

更定官制

設官原以董常  
宜係名目且當  
時事更有大於  
此者顧乃汲汲  
更定徒資靖難  
口實不亦大可

用方孝儒等議內外品官階勲悉仿周禮更定又  
撰禮制頒行天下然無濟實事徒為燕王棣藉口質  
實成祖實錄洪武三十五年吏部言建文改舊官制  
如六部尚書舊正二品陞正一品又增設侍中二  
員正二品所屬諸司舊有清吏二字皆除去戶刑二  
部屬舊皆十二司改為四司工部增設照磨所兵部

笑乎且孝儒既稱信用削藩大事何乃無一言而但以復古議禮為已任耶監紀事者多右孝儒而以削藩之罪歸之齊黃孝儒未至齊黃之甚則有之謂之無過則不可

舊設典牧所戶部設賊罰庫皆革罷都察院改為御史府舊設十二道改為左右兩院御史止設二十八員改通政使司為通政寺舊設通政使左右通政左右參議改為卿少卿丞翰林院官舊設學士及侍讀學士侍講學士其侍讀侍講五經博士典籍侍書待詔為屬官修撰編修檢討為史官孔目為首領官中書舍人舊在內府別有印信于翰林非統屬建文于翰林增設正官學士承旨一員在學士之上又改侍讀學士侍講學士俱為文學博士設文翰文史二館文翰館以居侍讀侍講侍書五經博士典籍待詔其侍書正七品文史館以居修撰編修檢討改孔目為典簿創典簿廳條記而革中書舍人改為侍書以隸翰林又增設文淵閣侍詔及拾遺補闕革罷五軍斷事五軍制祿倉革罷大理寺左右寺寺正寺副增置本寺首領官典簿及太常寺贊禮郎二員太祝一員光祿寺少卿舊五品陞四品寺丞舊六品陞五

品又增設監事及司圃所改司牲司為掌牲司陞其  
品級太僕寺寺丞舊六品陞五品又改其首領官職  
名陞其品級及增設錄事及典廐典牧二署驢騾等  
十八羣滁陽等八牧監龍光等九十二羣官鴻臚寺  
少卿舊從五品陞正五品寺丞舊從六品陞正六品  
又改其首領官職名亦陞品級革罷司儀司賓二署  
而陞其鳴贊序班品級行人司舊別有衙門印信于  
鴻臚寺非統屬革罷行人司而以行人隸鴻臚寺陞  
國子監丞為堂上官革罷學正學錄增設欽天監五  
官監候增設選士院及應天府知候所改五城兵馬  
司指揮為兵馬副兵馬陞各衛經歷品級又增設知  
事增設旗手四十四衛武學及置錦衣衛帶管優給  
武學所教授增置各王府賓輔伴講伴書各布政使  
司布政使舊從二品陞正二品參政舊從三品陞正  
三品參議舊從四品陞正四品改各處提刑按察司  
為肅政按察司並請復舊制又兵部言建文中改審

陽左衛為衛山護衛右衛為臨安護衛遂命凡天下  
軍衛建文所改革者悉復其舊按所載建文朝更改  
官制最核故  
故詳錄之

三月命刑部尚書暴昭戶部侍郎夏原吉等充採訪使  
分巡天下

使凡二十四人敕獎廉平黜貪墨便宜行事昭  
至北平得燕王棟諸不法狀密奏之請預為備質實  
暴昭潞州人夏原吉字維  
詰其先德興人徙湘陰

## 京師地震

詔求直言御史尹昌隆言奸臣專政陰盛陽微  
謫見於天是以地震謫福寧知縣尋召還官

夏四月湘王柏自焚死齊王榑代王桂有罪廢為庶人

柏薨力過人握刀擐弓矢馳馬若飛至是有告其反者帝遣使即訊柏懼焚其宮室彎弓躍馬投火中死榑數歷塞上以武功自喜時興燕通為府中人所告會代邸亦上變乃廢二王為庶人銅搏京師幽桂大同戶部侍郎郭任以朝廷不先圖燕而徒削奪諸藩乃上言天下事先本後末則易成今日儲財粟備軍實果何為者乃北討周南討相舍其本而末是圖非策也且兵貴神速苟曠日持久銳氣既竭姑息隨之所謂強弩之末勢不能穿魯縞徒坐自困耳帝不能從質實郭任丹徒人或曰任不屈死之子經亦論死少子茂廣西本朝乾隆四十一年追謚郭任忠愍

遣燕世子高熾及其弟高煦高燧還北平

太祖崩時燕王棣遣三子入臨京師高煦勇悍無賴其舅徐輝祖切戒之不聽至是棣稱病乞三子歸齊泰欲遂收之黃子澄曰不若遣歸使彼不疑因遣還棣喜曰吾父子復得相聚天贊我也高煦潑行入輝祖厰盜善馬徑去輝祖追之已渡江矣途中輒殺吏民至涿州又殺驛丞于是朝臣舉以責燕燕謀益急質實燕世子高熾是為仁宗與高煦高熾俱燕王妃徐氏出涿州漢涿縣唐改為范陽于縣置涿州明省縣入州屬順天府今因之

發明

燕王三子在京齊泰請收之子澄不可遂遣歸事載成祖實錄夫泰欲收之固屬無名然

使羈留於京師未嘗不可為制燕之一法子澄本無勝算而徒曰遣歸使不疑則疎甚矣時輝祖密奏高煦勇悍不忠他日必為大患及燕師起高煦効力為多帝始悔不用輝祖之言又按遜國紀憲

章錄臣林外紀明史蔡明紀事本末諸書載建文元年二月燕王來朝行皇道入登陞不拜御史曾鳳韶劾王不敬帝曰至親勿問三月燕王還國明史皆不取考成祖實錄無入覲之事此無可諱而不載則知諸書皆出於傳聞之辭也且以時勢考之燕王未必肯輕身而來朝既來朝矣齊黃諸方日夜發憤謀燕豈御史昌言之而當國者反置之不議乎又遯國臣紀載建文初藩王入覲馳皇道入且不拜鳳韶侍班言殿上宜展君臣之禮宮中乃叙叔姪之倫詔勿問則或者他藩之事而傳者謬以為燕也

# 安置北平按察使陳瑛于廣西

金事湯宗告瑛受燕王質實

陳瑛祿人湯宗字正傳浙江平陽人



六月岷王棟有罪廢為庶人

西平侯沐晟奏棟不法廢為庶人從漳州

秋七月燕王棟舉兵反

燕王自建文既立即萌覬覦及削藩議起叛志益堅其禍變本難于消遏建文心存疑畏必欲去此隱憂久不能制其死命勢既孱弱不振而所恃以為畫謀

棟以僧道衍為謀主護衛張玉朱能為爪牙選將校勾軍卒部署已定問道衍師期對曰未也棟始稱病或佯狂赴市奪酒食或卧土壤中彌日不甦盛暑圍火爐猶搖頭顫曰寒食宮中亦杖而行會燕山衛百戶倪諒告變帝下詔讓棟遣中官逮王府僚屬北平都指揮使謝賁布政使張昺部署軍士列九門防守以都指揮張信為棟舊所信任密敕之使執棟信叛附於列以情輸之昺庫吏李友直亦以昺謀告棟棟乃用道衍計令張玉朱能潛納勇士八百人入府守衛及朝使至棟餽縛官校置庭中紿賁昺入至端禮

定策者又不過一二迂儒黃子澄先發制人之謀徒然言大而夸其實毫無部署齊秦藉防邊而調成並密為伺察更置守臣方以周防為得計而其所以謀燕者惟責之謝貴張易張信諸人信既反覆不忠貴易則漫不審慎取之如縛孤豚大事一

門為伏兵所執皆不屈死張王等率勇士攻九門克其八獨西直門不下都指揮彭二躍馬呼市曰燕王王反從我殺賊者賞集兵千餘人將攻燕府會燕健士從府中格殺二中護衛指揮唐雲諭之兵遂散盡奪九門燕府長史葛誠護衛指揮盧振初皆與貴易謀誅棟至是並遇害夷其族伴讀余逢辰泣諫救之參政郭資副使墨麟僉事呂震並降棟棟乃上書於朝指齊泰黃子澄為奸臣併援祖訓朝無正臣內有奸惡則親王訓兵待命天子密詔諸王統鎮兵討平之書既發遂舉兵反自署官屬稱其兵曰靖難奪居庸關破懷來都督宋忠戰敗與指揮余瑱彭聚孫泰俱死之尋陷薊州指揮馬宣鎮撫曾濟不屋死于通州遵化永平密雲諸質實信叛附于棟按明史守將皆以城叛眾至數萬質實張信傳信受密詔令與張易謝貴謀燕王棟信憂懼不知所為母怪問之信以告母大驚曰不可汝無妄舉滅家族棟稱病信

去而不可復挽  
總由齊黃智識  
庸淺不知燕王  
之沉鷲雄毅長  
于用兵竟爾視  
為小敵動輒以  
輕心掉之既乏  
運籌決勝之長  
並昧知彼知己  
之智不自度德  
量力而歎然身  
任不疑誤國之  
愆二人實無可  
辭耳  
晉陽之甲以清  
君側為名七國

三造燕邸辭不見信固請入拜牀下密以情輸棣棣  
懼然起立召諸將定計德信甚呼為恩張棣偽縛官  
校置庭中給貴罍入按明紀事本末燕王稱疾愈御  
東殿先伏壯士左右及端禮門內遣人詔責罍不至  
復遣官屬內官以所就連名往方至衛士甚衆門者  
可止之貴罍入王曳杖坐賜宴行酒出瓜數器曰與  
卿等嘗之王自進片瓜忽怒罍曰齊民兄弟宗族尚  
相恤身為天子親屬旦夕莫忘其命縣官待我如此  
天下何事不可為乎擲瓜子地護衛軍皆怒前程貴  
罍下殿王投杖起曰我何病迫于若奸臣耳遂曳貴  
罍等斬之又按明實錄貴罍入至端禮門壯士出禽  
之無擲瓜之事九門元京城門十一曰麗正順承文  
明安貞健德崇仁齊化光熙和義肅清平則明洪武  
九門徐達經理元都縮其城之北五里廢光熙肅清  
二門其九門俱仍舊端禮門明初燕王建府于元之  
皇城舊址即今之西苑門四東門體仁西曰尊義南

之反以誅逆錯  
為名大抵亂臣  
賊子必有說以  
為兵端燕王之  
稱靖難亦猶是  
也明季諸臣曲  
為尊親之諱凡  
紀燕事必以靖  
難時書之言之  
不順殊乖後賢  
令于初起時直  
載其事其餘所  
有靖難之名榮  
行刊削庶知一  
時所托稱原為  
千秋公論所不

曰端禮止曰廣智懷來唐媽州明初置懷來所永樂  
中改衛今改縣屬宣化府薊州唐置明屬順天府今  
因之遵化後唐置縣明屬薊州今升直隸州密雲後  
魏置縣明屬昌平州今屬順天府張玉字世美祥符  
人朱能字士弘懷遠人倪諒燕山左護衛百戶一作  
千戶棣即位收諒殺之初張昂被殺喪得還燕王稱  
帝出昂屍焚之族其家法司以其近戚程亨等五人  
見怒曰張昂之親與鐵同頑直須殪治耳引出生燒  
之彭二逸其名為燕健卒麗來興丁勝所殺葛誠不  
知所由進與盧振約為內應余逢辰字彥章宣城人  
聞異謀力諫遺書戒其子誓必死兵起泣諫死之又  
有北平人杜奇極諫棟立斬之郭資武安人墨麟高  
陵人呂震字克聲臨潼人本朝乾隆四十一年追  
謚謝貴張昂忠烈彭二葛誠盧振宋忠余填彭聚孫  
泰馬宣魯濬烈愍余  
逢辰節愍杜奇入祠

予而順逆之理  
益以昭矣

# 谷王穗自宣府奔京師

宣府地近北平燕兵既破懷來  
宣府震恐穗棄其國走還京師

## 詔削棣屬籍命長興侯耿炳文帥兵討之

棣反書聞帝告太廟削棣屬籍廢為庶人詔示天下  
曰邦家不造骨肉周親屢謀僭逆去年周庶人橚僭  
為不軌辭連燕齊相三王朕以親親故止正楠罪今  
年齊王橚謀逆又與棣柏同謀柏伏罪自焚橚已廢  
為庶人朕以棣于親最近未忍窮治其事今乃稱兵  
構亂圖危社稷獲罪天地祖宗義不容赦用是簡發  
大兵往致厥罰以炳文太祖時宿將拜征虜大將軍  
駙馬都尉李堅都尉寧忠副之帥師討燕尋命安陸  
侯吳傑江陰侯吳高都督耿璈都指揮盛庸潘忠陽  
松鶴成徐凱李友陳暉平安分道並進設平燕布政

使司于真定以暴昭掌之時齊秦黃子登益懷慨任  
事請聲其罪或難之泰曰名其為賊敵乃可克名正  
言順又何疑焉一切命質質耿炳文時年六十五李  
將興師皆二人主之堅武陟人尚大名公主  
吳傑復之于吳高良之子耿獻炳文次子顧成字  
景韶其先湘潭人後徙江都平安滁人小字保兒

# 八月耿炳文及棟戰於滹沱河北敗績

炳文次真定令徐凱屯河間潘忠楊松屯鄭州使先  
鋒九千人駐雄縣值中秋方宴會不設備燕將張玉  
夜半疾驅襲陷之尋陷鄭州忠松被執炳文部將張  
保叛降于棟時大兵號三十萬先至者十三萬分營  
滹沱河南北棟欲與北軍戰懼南軍乘之乃縱保歸  
揚言燕王率兵且至誘炳文移軍盡北渡河棟率張  
王譚淵等循河蹶擊炳文軍不得成列大敗喪師三  
萬副將李堅寔忠都督顧成皆被執炳文退保真定

棣園之三日以炳文質實滹沱河山海經泰戲之山  
老將未可克乃引去滹沱之水出焉在山西繁  
峙縣東北百二十里流經直隸正定保定河間諸府  
至天津之靜海縣名子牙河注直沽入海其別河至  
青縣會于漳雄五代周雄州明改縣屬保定府今因  
之鄭州漢為鄭縣高齊分置任邱縣唐于鄭縣置鄭  
州開元十三年改鄭為莫宋省莫縣入任邱移州治  
之金州縣俱廢改置莫亭縣元于莫亭置莫州併置  
任邱縣屬之明洪武七年省州入任邱縣屬河間府  
今因之莫州故城在任邱縣北三十五里譚淵清流  
人李堅械送北平  
道卒寘忠亦死

### 名耿炳文還以李景隆代之

炳文敗帝裔代者黃子澄薦曹國公李景隆景隆讀  
書通典故與方孝孺友善其泰極言不可帝不聽賜

用武之際非如  
翰苑賡歌以通

典故為尚也卒  
之倚賴敗事  
泣何嗟哉

親親之說固所  
以中駕宗盟若

景隆通天犀帶親為推轂錢之江許景隆至德州收  
集炳文將卒并調諸路兵五十萬進營河間當是時  
帝傾國兵以畀景隆謂燕可旦夕破棣聞之顧大喜  
曰昔漢高止能將十萬景隆何才乃以五十萬付之  
是自坑其衆也吾破之必矣會吳高耿癯及都指揮  
揚文方圍永平隸語諸將曰景隆知我在此必不敢  
至不若往援永平以致其師吳高怯不敢戰聞我至  
必走是我一舉解永平圍而破景隆也遂帥師援永  
平吳高等盡棄輜重走退保山海關景隆知燕兵出  
果引兵趣北平直薄城下築壘九門燕世子高熾堅  
守不戰夜遣勇士縋城出斫營營中驚擾驟退都督  
瞿能與其子帥精騎千餘攻張掖門垂克景隆忌能  
功令止之燕人夜汲水沃城明日永穀不得上時御  
史韓郁上言諸王親則太祖遺體貴則孝康皇帝手  
足尊則陛下叔父乃豎儒偏見病藩封太重疑慮太  
深于是周王廢湘王焚齊代相繼被推為計者必曰



叛逆已形便為  
獲罪廟社即其  
輸忱請罪尚不  
宜復顧然親覽  
燕王按察燕兵  
更非區區通問  
推恩所可冀其  
釋嫌而糾眾文  
其時王師屢敗  
燕勢日強韓都  
尚欲勸其罷兵  
守藩實為必無  
之理至所云無  
歲終絕對燕路  
因還周王迎楚  
蜀今各世子持

兵不加則禍必稔今燕舉兵兩月矣前後調兵不下  
五十萬而一矢無獲將不效謀士不效力徒使中原  
赤子困于轉輸九重之憂方深也諺曰親者割之不  
斷疏者續之不堅陛下幸垂洞鑒興滅繼絕擇代王  
之囚封湘王之墓還周王于京師迎楚蜀為周公俾  
各命世子持書勸燕罷兵守藩慰宗廟之靈明詔天  
下為厚親親宗  
**質實**  
山海關漢榆關唐曰臨渝一名  
臨閭明曰山海關在永平府撫  
寧縣東百里張掖門金燕城門十三西曰彰義明北  
京九門方輿紀要西之北曰西直舊曰彰義嘉靖中  
增築外城門七西曰廣寧今亦呼彰義是西直廣寧  
俱蒙彰義舊稱也是時外城未建瞿能所攻蓋西直  
門也張掖則彰義聲之轉耳韓郁字康  
郁鉛山人燕師入郁棄官遁不知所終

冬十月棟誘執寧王權奪其衆及朶顏三衛歸北平

書修好尤余  
連事戰之章  
識見與兒常  
異真不似尋  
耳

權國大寧在喜峯口外東連遼左西接宣府為巨鎮  
所屬朵顏三衛騎兵皆驍勇善戰燕兵起朝廷慮權  
與燕合召權及遼王植歸京師植泛海還權不至坐  
削護衛棣聞之喜為書貽權至是以單騎入大寧詭  
言窮蹙求救執權手大慟求代草表謝罪而陰令吏  
士結三衛部長及諸戍卒乃辭去權祖之郊外伏兵  
起擁權行三衛驍騎及諸戍卒一呼畢集守將朱鑑  
不能禦力戰死寧府長史石撰每以臣節諷寧王城  
陷憤詈不屈走解死都指揮卜萬與都督劉真陳亨  
帥兵扼松亭關亨欲降畏萬不敢發燕行反間貽萬  
書盛稱萬詆亨亨執萬下獄死籍其家亨降真由海  
道遁還京師王府妃妾世子皆隨入松亭關歸北平  
棣以其衆分隸各  
軍大寧城為空  
質實  
詳里系石撰平定人劉真合  
肥人陳亨壽州人  
本朝乾隆四十  
一年追謚朱鑑烈愍石撰卜萬節愍

十一月李景隆及棟戰于鄭村壩敗績奔德州

諸軍方圍北平燕兵乘勝抵城下城中兵鼓譟出內  
外夾攻李景隆不能支宵遁翌日九壘猶固守燕兵  
次第破四壘諸軍聞景隆走皆潰景隆還德州亡士  
卒十餘萬明年春棟兵陷蔚州攻大同使景隆疲于  
奔命景隆自紫荆關赴援燕兵已旋實實鄭村壩在  
居庸官軍多凍餒死者不見敵而還順天府大  
興縣東二十里蔚州漢代郡地唐置安邊縣屬蔚州  
天寶初自靈邱移州來治五代晉初改縣曰靈仙明  
洪武四年省縣入州屬山西大同府本朝雍正六  
年改屬直隸宣化府紫荆關在易州西八十里即太  
行蒲陰陁也地記太行第七陁為蒲陰  
宋時謂之金陂關金以後始名紫荆

罷兵部尚書齊泰太常寺卿黃子澄

棟以前所上書不報再上書請去太子澄帝  
為罷二人以謝燕陰留之京師仍參密議

發明

此仍誅逆錯之說也黜陟王者大柄豈冠逆

所能倒持此時以太子澄為非則代燕亦非  
以代燕為中罪致討所不得已則太子澄亦不可  
罷二臣縱謀之不臧然帝既用其言即不宜諉以  
謝過况燕勢已猖獗雖去齊黃又烏能止兵而消  
逆適示怯耳乃陽罷之又陰留之進退失措徒為  
見讐者笑  
不亦辱乎

庚辰 二年春正月均江浙田賦

初太祖時屢蠲薊松嘉湖極重田賦至是帝復下詔  
曰國家有維正之供江浙賦獨重而薊松官田悉準  
私租起稅用懲一時豈可為定則今悉與減免畝不  
得過一斗有司違者罪之後永樂中盡革帝政浙西

賦復重

發明惠帝即位庶務紛更虛文多而實政少惟此為愛民之事成祖苟欲盡反其所為不問是

非并此而改之則鑒矣

夏四月李景隆敗棣于白溝河再戰敗績景隆奔德州

李景隆授賊北征統率至數十萬人有望能安諸良將並偏裨仗能奮先爭先長驅直入或望可奏膚功顧庸怯無能又

景隆大誓師于德州合武定侯郭英安陸侯吳傑等軍六十萬進次白溝河列陣數十里棣先營蘓家橋已由西北循河而進都督僉事平安預伏萬騎河側棣至伏發棣曰平安豎子耳往歲從出塞識我用兵今當先破之安挺矛直前瞿能父子亦奮擊所向披靡戰至暝棣以三騎遁失道下馬伏地視河流辨東西始知營壘所在是日也棣幾殆安失馬百餘匹而已明日再戰能及安擒燕將房寬陣敗之景隆押

復心存端城北  
平丞克輒以怠  
功阻止致城守  
復堅白溝大戰  
燕王矢盡創折  
逸走登堤乃不  
知乘銳追擒將  
因致疑相誣誤  
縮不前使得逃  
救潛逃卒之計  
衆復回遼至一  
敗不可復  
振核其縱敵負  
國之罪實當亟  
正刑章乃惠帝  
僅召還朝而歸

騎繞出棧後大戰良久景隆軍飛矢如雨棧三易馬  
矢盡揮劒劒折阻于堤幾為瞿能所獲力走登堤伴  
引鞭招後繼者景隆疑有伏不敢前會高煦救至棧  
乃得免比日晡能復引衆搏戰大呼殺賊指揮俞通  
淵滕聚俱以兵赴之會旋風起折景隆大將旗陣動  
棧以勁騎繞其後乘風縱火焰烟漲天能父子及通  
淵聚皆死有王指揮者被重創脫胄付其僕曰以此  
報家人立馬植戈而死安與朱能戰亦敗官軍大亂  
奔聲如雷郭英潰而西景隆潰而質實白溝河在雄  
南盡棄其所賜璽書斧錢走德州質實縣北三十里  
方輿紀要云燕王與李景隆大戰于白溝河即此處  
也源出廣昌縣涑山曰涑水一名巨馬河至容城縣  
東白溝店以下為白溝河以宋遼分界于此亦曰界  
河蘇家橋在霸州東二十里文安縣北四十里當往  
來孔道自蘇家橋以下諸水俱謂之淀泊房寬陳州  
人俞通淵巢縣人俞通海弟王指揮臨淮人常乘小

子寧等連疏糾  
彈竟爾置之不  
問迨金川失守  
景隆遂首逆  
降惠帝之帛  
于此蓋見笑

馬軍中呼小馬王 本朝乾隆四十一年追  
謚瞿能忠烈俞通淵滕聚小馬王俱烈愍

### 五月棟陷德州進攻濟南

燕兵乘勝進攻德州未至景隆先奔燕兵入城得糧  
儲百餘萬石勢益張先是白溝河之潰叅景隆軍事  
高巍南走至臨邑遇叅政鐵鉉相持痛哭共赴濟南  
直五日釀酒同盟偕入城與都督盛庸等誓以死守  
景隆往依之燕兵遂自德州攻濟南時景隆兵在城  
下者尚十餘萬棟乘其未陣馳擊景隆大敗南走帝  
用齊泰黃子澄計遣尚寶司丞李得成如棟軍諭罷  
兵以緩之棟不聽得成附于棟棟射書城中諭降不  
下棟堰水灌城中人大懼鉉曰無恐計且破之乃  
佯令守門者皆哭盡輟守具出居民城外伏地請降  
預懸鐵板城門上伏壯士闔堵中候棟入下板擊之  
別設伏斷城外橋乃遣人請棟入撫諭棟在軍逾年

往來戰守僅得永平保定及北平三府諸州縣旋破  
旋守不肯降濟南為中原要會得濟南斷南北則江  
淮可圖也聞濟南降大喜遂下令受降棣東馬張蓋  
鼓吹徐行渡橋至城下軍士失約棣未入門板驟下  
傷棣馬首急易從馬奔及橋伏兵起橋倉猝  
不可斷遂得逸棣憤甚築長圍晝夜攻之  
詐降之事載明史鐵鉉傳本出李賢古穰雜錄及遜  
國紀諸書獨國史考異以為文皇善用兵不應妄信  
輕率若此明舊史例義深然之按考異之辯為成祖  
諱耳賢在天順朝去革除未遠見聞必非無據今仍  
據明史并採遜國紀諸書錄輯臨邑漢縣屬濟南府  
今因之鐵鉉鄧州人洪武中由國子生授禮科給事  
中調都督府斷事嘗獄疑獄立白太  
祖喜字之曰鼎石李得成涑水人

# 秋八月承天門災



詔求直言從方孝儒議改謹身殿為正心殿午門  
為端門端門為應門承天門為臯門前門為路門

# 都督盛庸參政鐵鉉擊敗棣兵于濟南復德州

時平安營軍家橋謀出御河奪燕餉舟又選水卒五  
千人渡河攻德州棣懼將解濟南圍北歸鉉與庸乘  
夜出兵掩擊燕衆大敗鉉等乘勝復德州帝聞擢鉉  
山東布政使參贊軍務尋進兵部尚書封盛庸歷城  
侯拜平燕將軍于是庸進駐德州吳傑平質實單家  
安守定州徐凱屯滄州相犄角以困北平質實橋在  
河間府獻縣南為南北通途滹沱河之分流黑龍港  
河徑其下御河一名衛河本隨之永濟渠自山東東  
昌府恩縣派逕直隸故城南又東北流經山東德州  
西南新窪口又東北流經德州之桑園鎮入直隸吳  
橋縣界即古清河也

九月詔錄洪武功臣罪廢者後

洪武中武臣以過誤廢反得罪者皆徵其子孫錄之

冬十月詔李景隆還赦不誅

御史大夫練子寧宗人府經歷宋徵御史葉希賢並言景隆失律喪師懷二心直誅皇子澄亦請正其罪以謝天下皆不聽子澄拊應曰大事去矣薦景隆誤國萬死不足贖罪錦衣衛鎮拊楊本從景隆討燕有功景隆忌之不以聞紹日出戰又不為援本劾景隆辱國遂以孤軍出被禽繫北平獄高燧殺之質宋徵里系未詳葉希賢松陽人楊本中年人或曰處州人通禽遁術本朝乾隆四十一年追謚楊

本烈  
愍

十二月盛庸大敗棣于東昌斬其將張玉棣遁還

先是徐凱方屯滄州棣佯出兵攻遼東至通州循河而南渡直沽晝夜兼行襲執凱斬萬餘級降三千人譚淵一夜盡殺之復縱兵掠四境獻縣知縣向朴集民兵與淵戰被執懷印死棣遂自長蘆渡河過德州遣人至城下招盛庸庸堅壁不出陰令輕騎躡棣後棣擊敗之乃轉掠臨清大名越汶上至濟寧庸與鐵鉉屯兵東昌以邀之棣率兵薄營庸開陣縱棣入圍之數重新斬其驍將張玉已而未能率番騎來救殊死鬪翼棣潰圍出以百騎走館陶庸既勝軍勢大振自燕人犯順轉鬪兩年鋒銳甚至是大將燕軍奪氣棣乃引質實汶上魯中都邑金置汶上縣明屬兗州府今屬濟寧州館陶漢置縣明屬東昌府今因之向朴字遵博慈谿人本朝乾隆四十一年追諡向朴節愍

辛巳 三年春正月復齊泰黃子澄官

以東昌提告太廟命  
泰子澄任職如故

三月盛庸敗棣于夾河斬其將譚淵復戰敗績

燕兵犯順兩年  
所向無敵惟盛  
庸夾昌之捷大  
挫其鋒燕軍遂  
爾却避是庸之  
精于用兵實非  
諸軍所及當燕  
王逼營野宿且  
在園中庸豈得  
托言不知使決

棣恥東昌之敗意急欲稍休道衍力趣之曰臣前言  
師行必克但費兩日耳兩日者昌字也自此全勝矣  
棣遂復率衆南出保定盛庸營夾河棣將輕騎來覘  
掠陣過庸遣千騎追之都指揮莊得力戰斬其將譚  
淵燕軍大挫而朱能張武等殊死鬪棣自以鐵騎貫  
陣與能合官軍稍却莊得皂旗張臨陣死驍將楚智  
被執不屈死之日暮各斂兵棣以十餘騎逼庸營野  
宿及明起視已在園中乃從容引馬鳴角穿營而去  
庸諸將皆以帝有詔毋使朕負殺叔父名倉卒相顧  
愕眙不敢發一矢明日復戰棣軍東北庸軍西南自

計勦擒易如吐  
手乃次日聽其  
鳴角穿營而去  
且引謝負殺取  
父名之詔為解  
惠帝因庸思  
不聞將在軍君  
命有所不受乎  
迨承樂纂立庸  
無位如常則其  
隱懷二心亦難  
兄春秋之首矣

辰至未勝負畧相當大風東北起飛埃蔽天庸軍而  
迎礮礮咫尺不辨物棣縱左右翼橫擊斬首數萬庸  
大敗走德州時吳傑平安自真定引軍來會聞庸敗  
引還棣以計揚言散軍取糧誘之出戰傑安列陣潯  
沱河南棣率騎循河統出陣後安縛木為樓高數丈  
戰酣輒登樓望發强弩射燕軍天集棣旗如蜺毛死  
者甚衆忽大風拔樹聲如**質實**夾河在冀州武邑縣  
雷安遂敗仍走入真定南漳水分流也又東  
入潯沱莊得一作德故隸宋忠懷來之戰一軍獨全  
張武潯陽人皂旗張一其名或曰張能官都指揮力  
挽千斤每戰麾皂旂先軍中呼皂旂張戰死猶執旂  
不仆楚智官都指揮馬臨被執死莊得等三人皆未  
詳何處人本朝乾隆四十一年追  
謚張能忠莊張得烈慈楚智節慈

貶齊泰黃子澄諭棣罷兵棣不奉詔

帝聞庸軍敗大懼詔竄秦子澄于外密令為募兵計棧聞二人已竄上書靖罷盛庸吳傑平安兵帝以問方孝孺孝孺曰燕兵久頓大名天暑雨當不戰自疲急令遼東諸將入山海關攻永平真定諸將渡盧溝搗北平彼必歸救我以大兵躡其後可成擒也今其奏事適至宜且與報書往返踰月使彼將士心解我謀定勢合進而蹴之不難矣帝以為然命孝孺草詔遣大理寺少卿薛嵩馳報赦燕罪令寵兵歸藩棧不奉詔燕諸將請殺嵩棧不許送之出境未幾盛庸吳傑平安分兵斷燕餉道棧患之復遣其指揮使武勝上書申前請帝將許之孝孺曰兵罷不可復聚彼長驅犯關何以禦之願毋為所惑帝乃質實盧溝即桑乾河一曰濕水源下勝獄以絕燕出山西馬邑縣入直隸境至順天府西南曰盧溝河薛嵩閭鄉人

夏六月棣將李遠寇沛縣焚糧艘

官軍駐德州資糧皆道徐沛棣遣李遠以輕兵六千詐為官軍施鎗皆桺柳枝為識由濟寧至沛焚糧艘數萬河水盡熱魚鼈皆浮死威庸遣都督素字帥三萬騎追之為遠伏兵所敗

質實

李遠懷遠人

秋七月都督僉事平安攻北平不克

燕兵掠彰德臨林縣安在真定度北平空虛帥萬騎攻之棣方軍大名遣將馳救安戰不利引還時燕高煦高燧謀傾世子高識世子與高燧守北平高煦從棣軍有寵方孝孺門人林嘉猷者賞以事至燕叩知其狀孝孺言于帝曰兵家貴間燕父子兄弟可間也帝命孝孺草書遣錦衣衛千戶張安如燕貽世子令歸朝廷許以王燕世子得書不啟封並安等送之軍中官黃歲方曲事高燧使人馳報棣曰世子且反棣

疑之問高煦高煦曰世子固善大孫語未竟世子所遣使以書及張安至棣啟視遽曰嗟乎幾殺吾子乃因安等盛庸檄大同守將房昭引兵入紫荆關畧保定據易州西水砦以窺北平吳傑遣都指揮韋諒以兵萬餘轉向昭軍棣曰昭得糧守險未易拔也引兵圍之都指揮花英等往援與棣戰于齊眉山大敗昭諒走棣勦質實林縣漢隆慮縣東漢改隆為林金林州明改縣屬彰德府今因之易州隋兵還北平

置明屬保定今升直隸州西水砦在州西南八十里即山上四面險絕齊眉山在易州西南百里亦曰峨

眉山林嘉猷名昇

以字行寧海人

## 九月倭寇浙東

倭登岸剽掠象山縣錢倉所千戶易紹宗密令游兵間道焚賊舟賊驚救紹宗格戰追至海岸臨陣中手



办數十賊遂被害先是紹宗書壁誓死命妻李  
具惟酒生奠之訣而出妻携孤奏于朝旌之  
質實

象山縣唐置明屬寧波府

今因之易紹宗改縣人

### 冬十二月詔駙馬都尉梅殷鎮淮安

殷尚寧國公主有謀畧太祖十六女諸駙馬中尤愛  
殷太祖春秋高諸王強盛嘗受密詔輔皇太孫至是  
命充總兵官鎮淮安質實  
殷字伯殷夏邑人汝南侯思祖  
從子寧國公主孝慈皇后生

### 棣大舉南犯

棣稱兵三年親戰陣冒矢石屢瀕于危所陷城邑兵  
去旋復為朝廷守故不敢決意南下無何有中官  
奉使侵暴為言者詔所在有司繫治于是中官密遣  
人赴燕具言京師空虛可取狀約為內應棣慨然曰

若太祖誠見及此則立棣與執  
棣惟已所欲為  
耳何至有篡奪  
之禍哉且密詔  
文臣何由知之  
疑信各半固絕  
事之常耳

頻年用兵何時已乎要當臨江一決不復返顧矣遂大舉兵而南

發明

中官之禍肇于永樂終明之世深受其毒建文稍稍裁制則又泄機事召外兵致燕決意

南犯議不返顧此輩實為禍媒甚哉小人之難養也春秋寺人貂始漏師於多魚古志之矣其垂戒哉深

壬午四年春正月命魏國公徐輝祖帥師禦棣兵于山東

棣兵由館陶渡河連臨東阿東平諸州縣東平吏目鄭華濟陽教諭王省死之山東大震于是命輝祖帥師往援而棣兵已突至沛縣知縣顏伯瑋不能禦遣縣丞胡光閏行至徐州告急援不至指揮王顯開門降伯瑋衣冠南向再拜自經死主簿唐子清典史黃謙被執諭子清降曰願從顏公地下遂死之遣謙往

徐州招降不從亦死燕剗將王總破蕭質實東阿漢  
縣知縣鄭恕亦不屈死棟兵遂薄徐州  
分置穀城北齊廢入東阿明移治于故穀城屬東平  
州今屬泰安府東平漢國治無鹽晉徙治須昌劉宋  
為東平郡宋改府元改路明洪武初為府八年降州  
屬濟寧府十八年改屬兗州府今屬泰安府蕭縣秦  
置明屬徐州今屬徐州府鄭華字思孝臨海人由行  
人司馬吏目燕兵至州長賊盡棄城走華率吏民憑  
城固守城破與其妻蕭氏俱死王省字子職吉水人  
為燕將兵所執從容引譬詞義慷慨衆舍之歸坐明  
倫堂伐鼓聚諸生大哭以頭觸柱死按憲章錄以省  
之死節繫于建文二年五月與明史恭愍帝紀異顏  
伯瑋明環以字行廬陵人子有為亦自刎死鄭恕字  
本忠仙居人二女俱從死本朝乾隆四十一年追  
謚顏伯瑋忠節鄭華節愍王省  
唐子清黃謙顏有為並入祠

敗則偏竄計臣  
勝則名還大將  
舉動殆如兒戲  
庸憤如此安得  
不速至覆亡迄  
其後燕以陳師  
江上尚冀割地  
罷兵尤為非策  
其窘迫無措之  
態可憫亦可歎  
耳

# 夏四月官軍連敗棣兵于淮北尋召輝祖還

先是左都督何福反平安陳暉軍次濟寧聞棣兵自  
徐趨宿遂引兵南追及于肥河燕將白義王真各率  
百騎誘安軍縛草置囊中為束帛狀安率兵馳擊義  
等佯棄囊走安軍士競取之伏發兩軍鏖戰真被重  
創自刎死棣乃身自迎戰安部將和爾和挺鎗大呼  
直刺棣馬忽蹶反被擒安軍遂敗宿州陷至是棣兵  
抵小河為橋以濟福安等往爭橋張左石翼並進斬  
其將陳文安轉戰至北阪幾獲棣番騎王騏躍入陣  
捉棣走于是官軍駐橋南棣軍駐橋北向持數日棣  
潛移軍三十里夜半渡河而南統出官軍後比旦官  
軍始覺遼輝祖來會戰于齊眉山斬其將李斌時王  
師再捷燕人大惧會淮上盛暑濕蒸燕諸將請旋師  
觀囊棣不從下令曰欲渡河者左諸將皆左棣怒曰  
任汝曹所之乃不敢復言而帝聞訛言謂燕兵已北

台輝祖還福軍遂孤福故持久老燕師移營靈壁深  
塹高壘自固而糧運為燕所阻安分兵往迎棣率精  
銳橫擊斷安軍為二福開壁來援與安合擊殺燕兵  
數千高煦伏兵自林間突出福等俱敗走諸將請移  
駐淮河就糧夜令軍中聞三礮即發翼日燕兵猝薄  
壘亦發礮三福軍以為已礮也爭趨門出燕兵乘之  
遂大亂人馬墜濠塹俱滿指揮朱瑄力戰死福單騎  
走安暉及侍郎陳性善等三十七人皆被執性善死  
之質實

肥河北肥水也在宿州南九十里州南有龍  
山湖肥水出焉東南流入懷遠縣界注于淮

小河在靈璧縣北六十里即古睢水舊自河南永城  
縣流逕宿州靈壁至宿遷入泗後宿州以上已成平  
陸其在睢寧宿遷者謂之小河齊眉山在靈璧縣西  
南三十里靈壁本虹縣靈壁鎮宋升縣明屬宿州今  
屬鳳陽府王真咸寧人宋瑄定遠人宋晟長子陳性  
善名復初浙江山陰人既被執尋釋歸令說朝臣性

善朝服躍馬入河以死餘姚黃墀陳子方與性善友亦同死按明史性善傳性善及大理寺丞彭與明欽天監監副劉伯完同被執縱還與明變姓名與伯完俱亡去不知所終明紀事本末則云與明死之與史傳異本朝乾隆四十一年追謚宋瑄烈愍陳性善節愍黃墀陳子方並入祠○和爾和舊作火耳反今改

## 五月遼東兵潰于直沽

先是帝命楊文帥遼東兵十萬赴濟南與鐵鉉合以斷棣後及是至直沽軍潰無一人至濟南者

## 棣兵渡淮陷揚州

棣兵陷四川盛庸方軍淮上以兵數萬戰艦數千列淮南岸棣兵不得渡遣使至淮安假道於駙馬都尉

梅殷殷剿其使曰留汝口還為而王言君臣大義棣  
氣沮鳳陽知府徐安亦折浮橋絕舟楫以遏燕棣乃  
令邱福朱能等帥騎男數百人潛自上流以漁舟濟  
猝薄庸軍鳴礮庸軍驚突擊之庸敗走盡獲其戰艦  
遂渡淮臨盱眙守淮兵部主事樊士信死之乘勝出  
天長進攻揚州指揮王禮等開門降巡按御史王彬  
指揮宗質實天長唐縣明屬泗州今因之徐安寧波  
剛死之質實人邱福鳳陽人樊士信應城人王彬字  
文質東平人崇剛逸其里籍遜國臣傳云崇剛性節  
本朝乾隆四十一年追謚樊士信烈愍王彬崇剛  
愍節

## 徵天下兵勤王

帝遣御史練子寧右侍中黃觀修撰王叔英等分遣  
徵兵蘇州知府姚善首以兵入衛請召還齊泰黃子

澄帝從之時寧波知府王璉徽州知府陳彥回樂  
平知縣張彥方前永清典史周縉各帥兵入援  
實樂平縣唐置明屬饒州府永清縣唐置明屬順天  
府今皆因之黃觀字伯瀾一字尚賓貴池人王叔  
英字原采黃巖人王璉字器之日照人陳彥回字士淵  
蒲田人張彥方江西龍泉人由給事中以便養改樂  
平知縣周縉字伯  
伯紳武昌人

### 下罪己詔遣慶成郡主詣燕軍

時棟兵往來江上江南北郡縣俱密輸款詔下京師  
內外臣民慟哭而已方孝孺進曰事急矣可遣人許  
以割地稽延數日俟募兵漸集然後決戰江上乃遣  
慶成郡主往燕軍議割地罷兵郡主棟從祖女兄也  
見棟述太后及帝意棟曰吾此來欲得奸臣不在土  
地郡主默然遂辭歸帝命諸將集舟師江上為禦守



計兵部右侍郎陳植監戰植慷慨誓師部將殺之以降棣誅部將具官殮植瘞之質實慶成

蒙成王女嫁黃琛初封慶陽郡主建文時改封慶成郡主蒙城王為熙祖之孫郡主則太祖從父兄弟之女也陳植廬江人墓白石山上本朝乾隆四十一年追謚陳植烈愍

六月棣兵渡江犯京師谷王穗及李景隆迎降京師陷帝不知所終

戚庸徐輝祖等敗棣兵於浦子口會高煦引番騎來援殊死鬪庸兵退駐高資港都督僉事陳瑄以舟師叛附于棣棣率兵自瓜州渡江庸敗走鎮將守將童俊率衆降棣進軍龍潭帝命諸王分守都城遣景隆及兵部尚書茹瑺都督王佐詣燕師講和棣曰吾無罪而削為庶人今殺死何以地為景隆等不能發一

避國之說傳聞互異當時宮中火起事出倉皇出亡既無實跡可憑又何以知自焚之必由詭語焚地雖無所詣証而為僧踪跡又誰實親見而灼知之設云民間係念舊君冀其未死而矯託避荒實足為動搖羣心之漸成祖何不將自焚情形宣示禁

語遠還帝復令谷王穗安王楹往棣卒不奉詔左右或勸帝他幸以圖興復方孝孺請堅守京城以待四方援師即事不濟當死社稷乙丑棣追兵屯金川門左都督徐增壽謀內應帝手劍斬之穗景隆及指揮僉事劉清守金川門登城望見棣麾蓋開門迎降御史連楹叩馬欲刺棣被殺都城陷宮中火起帝不知所終棣遣使使出后屍于火詭云帝屍越八日用學士王景言備禮葬之然葬地所在後無聞焉或曰帝由地道出亡其後滇黔巴蜀間皆傳有帝為僧時往來跡世遂以帝為遜國云正德萬厯崇禎間諸臣請續封帝後及加廟謚皆下部議不果質實遜國之說行本朝乾隆元年追謚恭閔惠皇帝畧云金川門失守帝欲自殺編修程濟曰不如出亡即為帝祝髮從鬼門出由吳楚而滇浙黔蜀粵東西至正統五年有同富僧詭稱建文帝思思知府岑英以聞按問乃鈞州人楊應祥下獄死時並繫帝因自言其實

止顧一任無根之語輾轉流傳揆厥所由殆因成祖自知慙德微曲諱其寔藏惡名故反隱揚此說以明己無致死其君之事厥後文人不察從而緣飾其間遂成千古疑案向來論史者斷斷爭剖必為之指實而辨誣均不免失之愚耳

老聞吳亮識之入西內以壽終云明舊史例議力辨其妄未彙尊亦深斥其不足信但據王鏊陸樹聲薛應旂朱國禎等所載諸書其官階年月事蹟固多舛訛牴牾然未必盡出無因且據明史胡濙傳稱惠帝之崩於火或言遞去諸舊臣多從者帝疑之五年造漢頒御製諸書並訪仙人張邈過徧行天下隱察建文帝所在二十一年還朝馳謁帝於宣府帝已就寢間濙至急起召入濙悲以所聞對漏下四鼓乃出先濙未至傳言建文帝蹈海去帝分遣內臣鄭和數輩浮海下西洋至是疑始釋後神宗時嘗命閣臣錄建文帝在滇詩以進則遜國之說在明代君臣迄無定論傳聞各異姑從闕疑附著其畧如此浦子口在江寧府江浦縣東二十里為南北津要有城今設守脩駐此高資港在鎮江府丹徒縣西五十里北通大江接儀徵瓜州在揚州府江都縣南四十里龍潭鎮在句容縣北八十里陳瑄字彥純合肥人茹瑺衡山人

楊榮相業爛然  
為三楊稱首然  
壯身為侍從國  
破君焚迎謁不  
暇臣節已隳且  
其言明請謁陵  
陰為勸進尤是  
巧於獻諛雖其  
後政績可稱亦  
不足重矣

### 棣自立為皇帝

徐增壽中山王達第四子成祖實錄是年九月陞宣  
府中護衛指揮僉事劉清為都指揮同知旌其開  
川門奉迎功也連楹襄垣人被殺屍植立不仆  
本朝乾隆四十一年追謚連楹忠烈

茹瑞先羣臣叩頭勸進文臣迎附知名者吏部右侍  
郎塞義戶部右侍郎夏原吉侍中劉儁兵部右侍郎  
古仆刑部侍郎劉季麓大理寺少卿薛嵩翰林學士  
董倫侍講王景修撰胡靖李貫編修吳溥楊榮楊溥  
侍書黃淮尚善待詔解縉戶科給事中金幼孜兵科  
給事中吳焚兵部郎中方賓刑部員外郎宋禮國子  
助教王達鄒緝吳府審理副楊士奇桐城知縣胡儼  
等棣入京楊榮迎謁馬首曰陛下先謁陵乎先即位  
乎棣遽趨謁陵畢已已羣臣偕法駕迎請奉天殿即  
皇帝位茹瑞入賀迎謂曰瑞吾今日得罪天地祖宗

奈何瑋曰陛下應天順人何謂得罪乃大悅大索黃  
子澄齊泰等榜其姓名曰奸臣時謁榜者二十九人  
子澄泰及陳迪方孝孺練子寧黃觀胡閏鄒瑾王純  
郭任盧迥侯泰暴昭鄭賜黃福張統毛泰亨陳繼之董  
錦曾鳳韶王度高翔魏冕謝昇尹昌隆宋徵卓敬王  
叔英巨欽既而鄭賜王鈍黃福尹昌隆皆迎附又以  
茹瑋言並宥張統皆復其官其後復揭榜朝堂增徐  
輝祖葛誠周是修鐵鉉姚善甘霖鄭公智葉惠仲王  
璉黃希范陳彥回劉璟程通戴德彝王艮盧原質茅  
大芳胡子昭韓永葉希賢林嘉猷蔡運盧振牛景先  
周璠等凡質實劉儒字子士江陵人古朴字文質陳  
五十餘人質實州人劉季虎名詔以字行餘姚人胡  
靖本名廣字光大吉水人建文二年廷試對策有親  
藩陸梁人心搖動語帝親推廣第一賜名靖迎附後  
復名廣吳浦崇仁人楊榮字勉仁建安人楊溥字弘  
濟石首人黃淮字宗豫永嘉人爲善南城人金幼孜

名善以字行新淦人胡浚字源深武進人方賓錢塘人宋禮字大木河南永寧人王達無錫人鄒緝字仲熙吉水人胡儼字若思南昌人陳迪字景道宣城人官禮部尚書胡閔字松友鄱陽人官大理寺少卿鄒瑾永豐人官大理寺丞王純字士魯太康人官戶部尚書盧迥仙居人與郭任卓敬俱官戶部侍郎侯泰字順懷南和人官刑部尚書鄭賜字彥嘉建寧人官工部尚書黃福字如錫昌邑人官工部右侍郎張統字昭季富平人官吏部尚書既降附未幾成祖臨朝而嘆咎建文時之改官制者令統及王純解職務統懼自經於吏部後堂妻子相率投池中死毛泰亨為吏部侍郎純死泰亨亦死陳繼之莆田人官給事中董鏞不知何許人曾鳳韶廬陵人王度字子中歸善人高翔朝邑人魏冕江西永豐人謝昇諸城人鏞鳳韶度翔冕昇與尹昌隆俱官監察御史昌隆將就刑大呼曰臣嘗上疏讓位陛下奏牘可覆帝取閱之嘆

曰大燒頭早從所言朕亦無此勞苦也免昌隆死使  
往北京輔太子巨敬平涼人官戶部主事充史官周  
是修名德以字行泰和人官銜府紀善甘霖懷寧人  
官御史鄭公智字叔貞寧海人官御史葉惠仲臨海  
人官南昌府知府黃希范官徽州府知府劉環字仲  
環基次子官谷王府長史程通績溪人官遼府左長  
史戴德彛奉化人官左拾遺王良字敬止吉水人官  
修撰盧原質字希魯寧海人孝孺姑子官太常少卿  
茅大房名誦以字行泰興人官副都御史胡子昭時  
官刑部侍郎韓永西安人或曰浮山官給事中蔡運  
南康人歷官四川參政罷歸起知賓州牛景先沅  
州人官御史或云所鎮撫周璿官左僉都御史

## 削魏國公徐輝祖爵

輝祖當燕師渡江指引兵力戰京師陷詰武臣咸迎  
附勸進輝祖獨守父祠于是下史命引罪不屈削爵

齊泰黃子澄說  
者病其首發難端  
此之是錯不知  
景帝勢安惠帝  
勢危故不可同  
日而語但與謀  
國事措置乖方  
實難免於貽誤  
而方孝孺亟亟  
於更制設官致  
來燕兵口實亦  
不無迂濶之譏

此私第追封徐增壽為武陽侯謚忠愍明年廷爵定  
國公永樂五年輝祖卒乃命輝祖長子欽嗣封魏國  
公自是中山王之後有魏定二公居南北京神宗  
時錄建文忠臣以徐輝祖為首追贈太師謚忠貞

殺兵部尚書齊泰太常卿黃子澄文學博士方孝孺皆  
夷其族坐黨死者數百人

初帝發北平道衍以孝孺為罵曰城下之日彼必不  
降幸勿殺之殺孝孺天下讀書種子絕矣帝領之及  
陷京師鎮撫伍雲縛孝孺至帝顧左右收之曰勿令  
遽死將即位召令草登極詔孝孺斬哀入悲慟聲徹  
殿陛帝降榻勞曰先生無自苦予欲法周公輔成王  
耳孝孺曰成王安在帝曰彼自焚死曰何不立成王  
之子帝曰國賴長君曰何不立成王之弟帝曰此朕  
家事顧左右授筆札曰詔天下非先生不可孝孺投



顧惠帝上庸正統諸臣目擊時艱則去倡除強以圖安宗社自屬臣分所應然至於國勢貼危猶欲四出募兵意存克復及至身臨鼎鑊而抗詞直斥侃侃不撓未嘗少降其志凜然大節洵為無忝綱常正未可以其謀事之不成而禁加吹求若成祖之

筆于地哭且罵曰死即死耳詔不可草復強之乃大書燕賊篡位四字帝大怒令以刀抉其口兩旁至兩復繫獄泰子澄先被召還之命未至遽聞變泰走外郡乞兵有識其馬者曰此齊尚書馬也執之于澄就嘉興楊任謀舉事為人告見收至是並械至京帝親詰之抗辯不屈遂命與孝孺同磔於市孝孺慷慨就戮賦絕命詞而死時年四十六其門人廖鏞廖銘檢遺骸瘞聚賢門外山上尋被逮與胡子昭盧原質原朴鄭公智林嘉薌居貞俱生死孝孺弟孝友亦死妻鄭氏及二子中憲中愈先自經二女投秦淮河宗族親友及門下士生誅者八百七十三人泰從兄弟敬宗等俱生死叔時永陽彥等謫戍子甫六歲宥死給配于澄族人無少長皆斬一子變姓名為田經僅得走免楊任亦磔死二子禮益俱斬大理寺丞楊端刑部郎中王高生縱孝孺息樹陰同棄官去劉昇死孝孺主應天鄉試所得士有劉政方法政聞孝孺死嘔

避誅沒憤屠戮  
此良淫利以逞  
其美自無可恕  
耳

血卒法官四川都司斷事諸司表賀登  
極法不肯署名投筆出被逮自沈於江  
質實國臣傳云孝

孺投筆哭罵上怒叱曰汝馬能死朕當減汝十族  
後繫獄據其宗支及母族林彥法等妻族鄭原吉等

示且脅之執不從上怒甚乃使朋友門生廖錦等為  
十族誅之然後詔磔于市生元者八百七十三人外

親之外親族盡數抄沒發充軍生死者復千餘人臣  
林外紀云成祖曰吾固能族人孝孺曰族至三赤矣

成祖曰吾能四乃大收其朋友門生凡刑七日紀事  
本末云文皇大聲曰汝獨不顧九族乎孝孺曰便十

族奈我何舊史例議以廖錦等建論在孺死後朱彞  
尊以孔安國及馬鄭解九族上至高祖下至元孫不

及異姓則反輕于秦法之三族謂十族之說非實按  
夏侯歐陽解九族者父族四母族三妻族二皆據異

姓有服成祖並非經生一時激怒不同議禮何暇辯  
九族之當從何家言乎又按彞尊明詩綜詩話長陵

靖難受禍者莫慘于正學先生生方黨死者相傳八百七十三人其次黃太常生累死者族子六十五人外戚三百八十人若胡大理之死郡志稱其族棄市者二百十七人生累死者數千人茅大芳妻斃于獄有與狗喫之旨載素襲奉天刑賞錄云云然則當日或加三為四或加九為十傳聞異詞不足辯而一時門生朋友濫及無辜則亦不能為之諱也秦淮河源自漂水縣北西北流經上元縣東南入通濟門橫貫府域中西出江寧縣三山水門又西北入大江廖鏞永忠之孫銘鏞之弟孝孺墓在江寧縣聚寶山舊志孝孺死門人王孫輩收遺骸殯之于此與明史異案孫字叔豐金華王禕之孫革除編年云孫與孝孺表姪鄭珣至聚寶門外求其遺骸歸葬不可得卒逮繫文皇念其祖禕死國功特宥死據此則孫益嘗謀歸葬而不得非瘞孝孺于聚寶山者也進國臣記求遺骸者都督廖鏞與明文同孝孺絕無後惟孝孺父克

勤之弟克家有子曰孝復洪武間上書請減寧海賦  
請成慶遠衛以軍籍獲免或曰錄孝孺家時魏典史  
澤藏其幼子嘉靖時松江人俞斌自稱孝孺後方氏  
訟其僞云澤字彥恩溧水人盧原朴原質之弟鄭居  
貞名桓歙人或曰閩人官河南左叅政楊任嘉興人  
官袁州知府致仕劉端王高俱南昌人成祖實錄永  
樂十一年正月大理寺左寺丞劉端右寺丞王高以  
縱奸惡外親棄市蓋與生縱孝孺之說不同劉政字  
仲理長洲人方法字伯通桐城人法次望江瞻拜鄉  
里曰得望我先人盧舍足矣遂自沉 本朝乾隆四  
十一年追謚齊肅忠敬黃子滋忠愍方孝孺忠文楊  
任烈愍廖鏞胡子昭盧原質鄭公智林嘉猷鄭居貞  
節愍盧原朴方孝友方中憲方中  
愈齊敬宗楊益楊禮方法並入祠

殺御史大夫練子寧戶部侍郎卓敬皆夷其族

死節乃人臣本分原無庸議論紛紜吳溥決王良之必克捐軀身之不能死節所料皆錯然不與但溥與良俱策名仕版即當効其取義舍生況既明于責人何獨寬于責己乃隱忍圖全竟至辱身改節是其察秋毫而不見

總于寧至語不遜礫死夷其族姻戚俱戍邊于寧從子大亨官嘉定知縣聞變同妻沉劉家河死敬嘗建議徙燕帝責以離間骨肉敬厲聲曰惜先帝不用敬言耳帝怒猶憐其才命繫獄使人諷以管仲魏徵事敬曰人臣妾質有死無二先皇帝曾無過舉一旦橫行暴奪恨不即死見故君地下乃更欲臣我耶姚廣孝故與敬有隙進曰敬言誠見用上寧有今日乃斬之夷三族時殉難者太常少卿廖昇聞燕師渡江慟哭與家人訣遂自縊最先死衛鎮撫徐讓衛健皆戰死城陷前一日修撰王良與胡廣解縉吳溥比居俱集溥舍縉陳說大義廣亦奮激慷慨良獨流涕不言三人去溥于與弼尚幼嘆曰胡叔能死大佳溥曰不然獨王叔死耳語未畢隔牆聞廣呼家人謹視脈溥顧謂弼曰一脈尚不能舍肯舍生乎須臾良公哭飲死矣于是都給事中龔泰投城下死葉福守門死衛府紀善周是修江西副使程本立自經死大理寺

日覽顧於一睹  
不舍者冷語  
識何異桃人土  
偶之相銷即

丞鄒瑾御史魏冕同自煖秦府長史鄒樸不食死兵  
部郎中譚翼自焚死妻鄒子謹皆自經及帝即位禮  
部尚書陳迪不屈與子鳳山丹山等六人磔于市妻  
管縊死戶部主事巨敬與迪同死夷其族禮部右侍  
中黃觀嘗草制極詆斥燕至是索國寶不得或言已  
付觀出收兵矣命收其妻翁氏及二女給象奴翁携  
二女及家屬十人投淮清橋下死觀募兵至安慶聞  
京師陷或告曰宮已焚帝失所在新天子即位三日  
矣觀命舟至羅刹磯朝服東向拜投急湍死刑部尚  
書暴昭侯泰及其弟敬祖子玘戶部侍郎郭任盧迥  
及任子經禮部侍郎黃魁副都御史茅大芳及其子  
順童道童僉都御史周璿司中皆被殺召大理少卿  
胡閏御史高翔至皆哀經哭殺閏及其妻王氏子傳  
道四歲女郡奴入功臣家稍長日以灰汚面髮至寸  
剪之終身不嫁族誅病發其先冢觀黨悉成邊諸給  
同氏產者皆加稅曰今世世罵翔也又有工部侍郎

張汝國修撰王叔英編修陳忠左拾遺戴德彛給事  
陳繼之韓永御史林英謝昇甘霖丁志方董鑄姚瑄  
宗人府經歷宋徵刑部主事徐子權晉府長史龍潭  
前都督府斷事高巍浙江按察使王良蘇州知府姚  
善徽州知府陳彥回樂平知縣張彥方漳州教授陳  
思賢及諸生伍性原陳應宗林珏鄒君默曾廷瑞呂  
賢先後各以死殉而松江同知死尤烈逸其姓名或  
曰周繼瑜也既而給事中黃鉞赴水死御史曾鳳韶  
自到死王度以方黨謫戍坐語不遜族谷府長史劉  
璟曰殿下百世後逃不得一墓宇下獄自經死武臣  
之死者指揮使張倫都督同知陳質所鎮撫周拱元  
久若御史葉希賢賓州知州蔡運以姦黨被戮御史  
牛景先走死蕭寺或又以三人為從亡云初燕師起  
北平所屬州縣官朱寧等棄職去者二百九十人及  
破金川門朝臣棄位去者四十餘人世傳有程濟及  
河西傭補錫匠馮翁之屬濟名尤著或曰惠帝為僧

出亡濟左右之莫知所終又有會稽雲門寺僧若耶  
溪樵及金華玉山樵者雪菴和尚皆為建文遺臣又  
有梁田玉梁良玉梁良用梁中節何申采和郭節何  
洲郭良等九人他若樂清臨海二樵夫投水死儲福  
為燕山街卒北平兵起逃去後勾入藉中不  
食死龔翊為金川門軍門開慟哭遂隱而死質實  
宋嘉定十年析崑山之嚶城鄉置嘉定縣元升州明  
復縣屬蘇州府今屬太倉州劉家河即婁江在嘉定  
縣北二十四里淮清橋在上元縣東秦淮與青溪相  
接處或曰翁夫人死于賽工橋橋在江寧縣南馴象  
門外羅刹磯在池州府東流縣西濱江方輿紀要巖  
石森立舟帆叢險賓州唐置明屬柳州府今屬思思  
府雲門山在府南三十里若耶山在府東南四十四  
里山下有溪玉山在東陽縣東百五十里樂清晉置  
樂成縣五代吳越改樂清明屬温州府臨海縣吳置  
唐為台州治明台州府治今皆因之徐讓衛健不知



欽定四庫全書

卷四

三九

何許人讓山西布政司理問健山西孝義縣丞同應募使燕議和不答是年五月還授鎮撫赴軍前差遣戰歿吳興弼字子傳龔泰義烏人葉福侯官人周是修具衣冠為贊繫衣帶間入應天府學拜先師畢自經于尊經閣程本立由僉都御史貶江西副使未行鄒樸永豐人或曰樸即大理寺丞鄒瑾子黃觀死弟觀匿其幼子于他處或云觀妻畢氏孀居母家遺腹生子故黃氏有後于貴池觀妻投水時嘔血石上成小影陰雨則見名翁夫人血影石觀同時金侍郎逸其名徵兵江西有朱進者常州人隨行俱被執戮茅大芳之子一作順童道壽文生二孫添生歸生斃于獄胡傳道一作傳慶張安國與其妻葉舟入太湖鑿舟自沈王叔英募兵至廣德間變書絕命詞自經元妙觀銀杏樹下妻金氏亦自經二女赴井死陳忠字思中鄞縣人林英古田人募兵廣德聞京城陷與妻朱氏俱自經死丁志方聊城人姚瑄嘉興人以義黨

誅籍徐子權新注人聞練子寧死痛哭賦詩自經死  
龍鐔字德剛萬載人高巍自經駟舍又有高不危亦  
死義或曰不危即巍字也王良字天性祥符人集諸  
司印九積薪自焚妻先投水死仍徙其家于邊陳思  
賢茂名人帥六生為位哭建文帝于明倫堂皆被戮  
六生皆龍溪人黃鉞字叔揚常熟人建文三年丁父  
憂孝孺弔問之鉞云童俊狡不可任姚善忠義大勢  
當守上游國變杜門不出以戶科召自投於水曾鳳  
韶刺血書絕命詞于衣襟自殺妻李氏守節死劉璟  
嘗至燕與王奕玉曰不稍讓我耶對曰不可讓者不  
敢讓也王默然燕兵起隨谷王歸京師獻十六策不  
聽命忝李景隆軍事軍敗歸青田帝即位召之以疾  
辭建入京猶稱殿下遂及于難張倫不知何許人屢  
戰有功帝招倫降倫笑曰張倫將自賣為丁公平死  
之時武臣多降附從容就義者倫一人而已陳質守  
大同代王欲應燕質持之不得發蔚州廣昌附于燕

質復取之被執不屈死周拱元沅州人牛景先改姓名徐行死杭州僧寺後籍其家妻子祭教坊傳五世至濱皆不肯辱身萬歷中除名復姓程濟朝邑人或曰續溪有道術官岳池教諭上書言某月日北兵起逮下獄釋之改官編修從亡數十年後不知所終河西傭行乞金城傭于莊浪魯氏買羊裘覆以故葛衣數年不易以死或曰趙天奉也天奉官編修三原人補鍋匠往來夔州重慶間一日遇馮翁于夔州市相持哭不知所終或曰王之臣翁蓋馮淮也之臣官欽天監正襄陽人淮官刑部司務黃巖人雲門寺有老僧泛舟賦詩歸則焚之若耶溪樵夫畫詩于沙或從後抱持窺之則孤臣去國之詞也金華之東山有樵者麻衣戴笠為王姓者題詩曰崇人故疑其王姓雪菴和尚名暨隱于重慶白龍山好讀離騷讀一篇則投于水投已輒哭至成化初將死其徒曰師何許人張目曰松陽故疑其為松陽葉希賢或曰郭節也梁田

王官郎中為僧良玉中書舍人鬻書海南市良用為舟師死于水中節為道士皆定海人何申中書舍人奉使四川聞變嘔血發疽死宋和郭節皆中書舍人何洲海州人俱走異域賣卜郭良為道士九人者松陽王詔遊治平寺于轉輸藏上得書一卷載建文亡臣二十餘人可辨者九人樂清樵夫聞新詔痛哭投湖死哭投港橋下死臨海東湖樵夫聞新詔痛哭投湖死儲福無錫人妻范年二十有貴官聞其色欲委禽焉執刀自防養姑以卒龔翊字大章崑山人宣德中巡撫兩薦之辭曰翊仕無害于義恐負往日城門一勤耳本朝乾隆四十一年追謚練子寧忠肅卓敬忠毅陳迪巨敬暴昭王良姚善陳彥同忠烈廖昇王良龔泰周是修黃觀茅大芳胡閏王叔英高魏黃鉞曾鳳韶劉璟忠節侯泰郭任高翔張彥方周繼瑜陳質烈愍練大亨葉福程本立鄒瑾魏冕鄒朴盧迥黃魁周璿戴晏陳繼之韓永林英謝申甘霖丁志方董

鏞宋徽徐子權陳思賢王度張倫蔡運節愍陳鳳山  
陳丹山侯敬祖侯玘郭經茅順童茅道壽胡傳道伍  
性原陳應宗林珏鄒君默曾廷瑞呂賢葉希賢牛景  
先程濟河西傭補鍋匠馮翁雲門僧若耶溪樵玉山  
樵者梁田王梁良玉梁良用梁中節何申宋和郭  
節何洲郭梁樂清臨海二樵夫儲福龔翊並入祠

# 發明

惠帝以柔牽之子丁強藩之逼智力無困以  
至于亡然其天性仁厚親賢好學除軍衛單

丁滅蘇松重賦澤施未久善政在民是以天命雖  
移人心猶結而成福本由逆取復果于殘殺一時  
忠義如林蹈九死而不悔何其酷也至若遜山逃  
海諸人流離胷昧身之既隱焉用文為而聞風感  
興若將親炙然疑交作所由來矣夫據左氏傳則  
程嬰杵臼皆為烏有然馬遷逸事人人樂道故明  
史以為與其過而去之寧過而存之忠貞之氣屈  
極而伸今至四百年後易名列祀折一衷而定論

見他說以闕疑所以揭幽潛于  
日月懼亂賊于春秋豈不建歟

### 遷孝康皇帝主于陵園

仍舊謚稱懿文太子隨安王極祭告遷其主于陵園  
太后呂氏仍稱太子妃改封吳王允通廣澤王衡王  
允璽懷恩王徐王允熙敷惠王隨母妃呂氏居陵園  
尋廢允通允璽為庶人銅鳳陽改封允熙為既寧王  
奉太  
子祀

### 秋七月革建文年號

詔以今年為洪武三十五年明年為永樂元年建文  
中更改諸法一復舊制山東北平河南被兵州縣復  
徭役三年未被兵者與鳳陽淮安徐滁揚三  
州蠲租一年餘天下州縣蠲今年田租之半  
質實  
成

祖不欲用惠帝年號又不欲于季夏改元故于即位之初仍以洪武三十五年為紀說者遂謂止改是年不知據成祖實錄是年六月己巳即位庚午命五府六部一應建文中所改易洪武政令條格悉復舊制遂仍以洪武紀年今年稱洪武三十五年秋七月壬午朔下詔改明年為永樂元年又按實錄洪武三十五年十月定北平守城功賞以歲月久近為第洪武三十二年至上洪武三十三年至三十五年次之洪武三十四年至三十五年又次之則是革除之明證矣其後史官修實錄于洪武三十五年六月以前但書元二三四四年而無號蓋曲為遷就以掩其非所謂名不正則則言不順亦不足置辨矣

### 召陳瑛為左副都御史

瑛前以受燕帥金通密謀誦廣西至是召為副都御史署院事瑛天資殘忍受寵任益務刻深言廷臣效

不忠于建文實甚永樂不能聲其罪而加之顯罰已有愧于漢高之斬丁公轉令其入居害職遂欲追戮効死諸臣希旨生風奸狡尤為叵測及未行聽許輒以獄辭株牽等錄寬及無辜殆不止於羅鉗言細猶復覲然自以為出之有名真屬良心無恥

## 復官制

死建文者如黃觀廖昇王叔英周是修王良顏伯璋等其心與叛逆等請追賤之帝不聽後瑛閩方孝孺等獄詞迭簿錄觀叔英等家疎族外親莫不連染胡閩之獄所籍數百家號冤聲徹天兩列御史皆掩泣瑛謂人曰不以叛逆處此輩則吾等為無名于是諸忠臣無遺種矣

吏部言建文中凡中外大小衙門有創革陞降官員額數有增減者及所更改文武散官並宜遵復舊制帝曰前入創制皆首深意行之既久無弊輒改此其所以敗亡也俱速改復舊

## 以房吉田慶張本為揚州知府

滁州知州房吉詣軍門朝見泰州知州田慶協謀効順江都縣知縣張本率全城歸附皆擢揚州知州



永樂本以逆取而即位之始首擢是人其殘忍刻薄尚可問乎

吏部言今揚州已有知府  
譚友德帝命同理府事  
質實  
江都縣漢置明為揚州府治今因之張本

字致中

東阿人

發明

成祖但知賞迎附之功而不以任賢安民為務一郡而太守四焉幾于治絲而焚之矣一

時刑賞不

不濫乎

八月以侍讀解縉編修黃淮入直文淵閣侍讀胡廣修

撰楊榮編修楊士奇檢討金幼孜胡儼同入直預機務

初縉入臨太祖為有司所劾謫河州衛吏建文中以董倫薦官翰林待詔帝即位擢侍讀與淮常立御榻左倫顧問或至夜必帝就寢猶賜坐榻前語機密至是命七人同入直預機務謂之內閣內閣之名及泰

預機務皆自此始。帝于宮中得建文時羣臣所上封事千餘通有干犯者命縉等徧閱有闕軍馬錢糧數目者留餘悉焚之從容問曰爾等亦有之乎衆稽首未對修撰李貫進曰臣實無之帝曰爾以獨無為賢耶食其祿者任其事爾等前日事彼則忠于彼今日事朕當忠于朕耳

### 執兵部尚書鐵鉉至不屈殺之

初燕兵渡江鉉屯淮上兵亦潰至是執鉉至反背坐廷中嫚罵令其回顧終不可遂磔于市年三十七子福安戍河池父仲名年八

**質實**

河池宋置縣明永樂六年升州屬慶遠府

十三母薛並安置海南

今因之紀事本末鉉被執不屈割其耳鼻不肯顧燕其肉納口中問曰甘否鉉厲聲曰忠臣孝子肉有何不甘遂寸磔之罵不絕聲大鑊油熬之屍不可轉令內侍以鐵棒十餘夾持之使北面笑曰爾今亦朝我

耶油沸濺起丈餘仍反背如故乃大驚詫命塋之幼  
子康安充匠死或曰先死二女發教坊終不辱本  
朝乾隆四十一年  
追謚鐵鉉忠定

# 殺御史大夫景清夷其族

清倜儻尚大節燕師入諸臣死者甚衆清獨委蛇班  
行入怪之一日早朝未緋懷刃入先是欽天監奏異  
星赤色犯帝坐甚急帝故疑清及朝清獨著緋搜得  
所藏刃詰責之清奮起曰欲為故主報讐耳遂磔于  
市族之籍其鄉轉相攀染  
**質實**王鏊守溪筆記文皇  
謂之瓜蔓抄村里為墟至金川門百官迎拜  
江次清獨直立罵不已乃命左右扶其齒且挾且罵  
含血直喚上衣乃命醢之罪及九族久之工畫寢夢  
清入殿追之上曰清猶能為厲耶乃籍其鄉轉相攀  
染謂之瓜蔓抄其說與明史異紀事本末有青州教

授劉固者依清居清遇害連及固與弟國母袁氏同  
受刑于聚寶門外固子超年十五有膂力臨刑仰天  
大呼綱索俱斷奪刀連殺十餘人詔磔之  
本朝乾隆四十一年追謚景清忠壯

### 九月論卹福等三十人功封爵有差

卹福洪國公朱能成國公張武等侯者十三人徐祥  
等伯者十一人又以欵附功封王寧為侯茹瑋陳瑄  
王佐皆質實張武封成陽侯陳珪泰州人封泰寧侯  
為伯鄭亨合肥人封武安侯孟善海豐人封

保定侯霍親蒙古人封同安侯顧成封鎮遠侯王忠  
孝威人封靖安侯王聰蘄水人封武城侯徐忠合肥  
人封永康侯張信封隆平侯李遠封安平侯鄭亮合  
肥人封成安侯房寬陳州人封思恩侯徐祥大治人  
封興安伯徐理西平人封武康伯李濬和州人封襄  
城伯張輔字文弼王長子封信安伯唐雲封新昌伯

譚忠淵子封新寧伯孫巖鳳陽人封應城伯房勝景陵人封富昌伯趙彛虹人封忻城伯陳旭全椒人封雲陽伯劉才字子才霍邱人封廣恩伯王寧封永春侯茹瑋封忠城伯陳瑄封平江伯王佐封順昌伯又追封張玉榮國公譚淵宗安侯陳亨涇國公王真金鄉侯。霍親舊作火真令改

# 冬十月重修太祖實錄

以建文中所修為失實乃重修之命李景隆茹瑋監修前纂修官南昌知府葉惠仲以直書燕起兵事族

誅質實

本朝乾隆四十一年追謚葉惠仲節愍

# 十一月立妃徐氏為皇后

后中山王

徐達之女

欽定四庫全書

欽定資治通鑑綱目三編

御定資治通鑑綱目三編卷四